

Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...


De Poenitentia Et Reliqvis Sacramentis

Vindalium, 1646

Cap. XI. De matrimonio.

urn:nbn:de:hbz:466:1-38867

DE POENITENTIA. CAP. X. 217
ex iis qui in clero sunt constituti, cum
mulieribus habitet: per illa enim verba
non intelliguntur omnes clerici, sed iſ
tantum qui in clero sunt constituti, cum
obligatione seruandi, castitatem quales
sunt Sacerdotes, Diaconi, & Subdiaconi,
qui propter votum continentiae, eorum
ordinationibus annexum dicuntur in fa
cris constituti.



CAPUT XI.

De Matrimonio.

SECTIO I.

*De sponsalibus ad Matrimonium
requisitis.*

CONCLUSIO. I.

AD valorem sponsalium requiritur
promissio exterius facta.) Hic
enim sumimus sponsalia, pro futurarum
nuptiarum promissione: quod antem ta
lis promissio exterius fieri debeat, ea ra
tione ostenditur, quia si fuisse interna, non
modo non sufficeret ad sponsalia, verum
de poenitentia. K

218 TRACTATUS

nequidem ullam obligationem induceret. In eo enim distinguitur promissio homini facta, ab ea quae sit Deo, quod h[oc] vero est interna obligat, quia Deus qui intuetur cor, eam acceptat. Illa vero non obligat, nisi ab homine acceptetur, ac proinde nisi signo aliquo exterius manifestetur. Sufficit autem siue hoc fiat verbis, siue scripto, siue alio quocumque modo qui ipsis contrahentibus mutuum consensum sufficienter exprimat. Imo interdum taciturnitas est signum sufficiens consensus, ut si parentes, aut tutores Titij pro eo praesente contrahant sponsalia, & ille filiarum tenetur enim consentire, aut certe contradicere; quare si non contradicit, censetur consentire.

CONCLUSIO II. Requiritur etiam ad valorem sponsaliū, ut promissio sit mutua, & ex deliberatione ad peccatum sufficienti, procedat.) Prior pars probatur: nam cum sponsalia sint veluti quedam Matrimonij inchoatio, sicut in hoc, ita & in illis obligatio & vinculum ex utraque parte esse debet. Vnde si unus promittat & alter promissionem acceptet, nec vicissim repremittat, irrita suarum sponsalia. Et acceptans ad nihil tenetur, cum nihil repromiserit; promissio vero tenetur sub mortali, per se lo-

DE POENITENTIA. CAP. XI. 219

quendo, Matrimonium contrahere, si ex gratitudine aut benevolentia promisit, & alter diu recompensationem non differat, quia promissio fuit acceptata, & est de te graui. Quod si promisit tantum per modum contractus respectui, ut ordinariè contingit, ad nihil obligatur, nisi alter recompensaverit.

Posterior pars suadetur: nam cùm sponsalia sub mortali obligent, talem deliberationem necessariò postulant, ut valida sint. Accedit quòd cùm sponsalia sint quædam dispositio ad Matrimonium, requirunt perfectam & plenam libertatem, quæ à ratione dirigente, & à voluntate libera procedat. Non requiritur tamen ea libertas, quæ ex maturo consilio, & omnium circumstantiarū præuisione procedit, cùm pueri septimo ætatis anno sponsalia validè contrahere possint, quo tempore maturo consilio prædicti esse nequeunt. Ceterū in dubio, an adfœrit sufficiens delibratio, nec ne, præsumendum est eam adfuisse, denec aliud constet.

C O N C L V S I O III. Requiritur præterea ad valorem sponsalium, ut promissio fiat animo verè promittendi, adeoque se obligandi.) Prebatur, quia cùm sponsalia sint contractus vñique promissorius & obligatorius, ea nequicunt

K 2

subsistere, nisi contrahentes verè intendant promittere, seque ad seruandum promissa obligare.

Vnde si quis sponsalia contrahit fictè animoque se non obligandi, contractus non valet, adeoque vi promissionis non tenetur exequi quod promisit. Quòd si promittens habet animum verè promittendi, & se obligandi, non tamen promissum implendi, sponsalia valent, & qui ita promisit matrimonium inire tenetur. Cùm enim promissio verè & animo se obligandi facta fuerit, prava intentio non standi promissis, obligationem illam tollere non potest.

Notandum tamen 1. eum qui fictè promisit, teneri ex probabiliori sententia, implere promissum, si fictæ promissioni iuramentum apposuit. Nam etsi habuerit animum se non obligandi, & ex eo capite nulla oritur obligatio, eò ipso tamen quòd voluntariè Deum assumpserit intentionem futuri matrimonii, Religio & reverentia erga ipsum postulat, ut id exequatur quod exterius promisit. Ea tamen non sunt vera sponsalia, neque ex iis oritur impedimentum publicæ honestatis, ob defectum veræ promissionis, quæ ad essentiam sponsalium pertinet.

Notandum 2. eum qui fictè promisit

DE POENITENTIA. CAP. XI. 225

matrimonium, et si non teneatur, vi promissionis, exequi quod promisit, posse id teneri ratione iurioriae, aut damni illati. Sic qui deflorauit virginem, sub spe matrimonij, quod ei fidele promisit, tenetur eam ducere; quia iustitia commutativa obligat ad reddendum id quod debetur, ille autem debet ex iustitia, consensum in futurum matrimonium, cum sub spe illius, puella ei fecerit copiam sui corporis. In contractibus enim in quibus habet locum, do, ut des, facio, ut facias, quando unus contrahentium, id de quo agitur expleuit, tenetur alter ex iustitia similiter id ipsum exequi quod promisit, saltem si damnum illatum aliter resarciri non possit.

Excipe, nisi vir genere, aut diuinitatis fœminam notabiliter excedat, aut nisi ex variis indiciis facile potuerit fœmina deprehendere, se decipi a promittente. In quibus etiam casibus nulla requiritur compensatio ut plurimum, quia fœmina potius scipsem decepit, quam decepta fuerit, & sibi imputare debet, quod deflorata sit. Si tamen viri genus aut diuinitatis ignorabat, vel ille ita promisit, ut vir prudens non potuisset facilè præsumere dolum, pecuniis satisfacere debet. At neque tunc tenetur defloratam du-

K 31

cere, cum multò maius quid sit, eum tali fœminæ nubere, quam eam ab illo fuisse defloraram; arque adeò compensatio multis partibus excedat damnum illatum.

C O N C L V S I O . I V. Ut valcent sponsalia, ea debent contrahiri inter personas ad matrimonium habiles, & quæ habeant ætatem à iure statutam.) Ut hoc clarius percipias, Observandum 1. non tantum invalidè contrahere sponsalia cù, qui laborat impedimento ditimenter, sed etiam qui habet impedimentum tantum impediens. Quia sicut prior invalidè spondet matrimonium, eo quod inhabilis est ad illud: ita posterior invalidè sponsalia contrahit, quia non potest validè se obligare ad id, quod non nisi illicite fieri potest, quale est matrimonium cum tali impedimento.

Hoc autem procedit tantum, quando impedimentum est perpetuum, quod scilicet tolli non potest, sine dispensatione. Nam si sit temporale, potest eo affectus promittere matrimonium, pro tempore quo ablatum erit, & consequenter sponsalia contrahere; ut sit in impuberibus, qui valide contrahunt sponsalia, et si ante annos pubertatis matrimonium valide inire nequeant. Nec refert quod impedi-

DE POENITENTIA. CAP. XI. 217

mentum perpetuum dispensatione telli possit : nam eo affectus, non potest matrimonium alteri promittere, nisi sub conditione obtainendæ dispensationis, ac proinde eiusmodi promissio non erit absoluta, qualis esse debet ad sponsalia, donec dispensatio obtenta sit.

Observandum 2. ad valide comprehensa sponsalia, requiri ætatem septem annorum completam. Dicitur autem illa ætas completa, ex communiori sententia, si ultimus dies septimi anni incep-tus sit, non autem si defint, aliqui dies. Quod si malitia supplet defectum aetatis, ita ut pueri ante expletum septimum annum, sufficienti iudicio praediti sint ad contrahenda sponsalia, possunt ante illud tempus determinatum, valide sponsalia inita, sicut in simili casu, matrimonium valide contrahitur ante annos pubertatis, ut dicitur infra. Quia illud tempus non prescribitur ut necessarium, sed quia ius presumit, in ea aetate usum rationis illucesce re.

CONCLUSIO V. Sponsalia soluntur ex mutuo consensu licet per professionem emissam in Religione approbata, & per votum illius.) Prima pars probatur, quia omnis res si dissolubilis sit, per easdem causas dissoluitur, per

quas nascitur ex cap. i. de regulis iuris
atqui sponsalia ex mutuo sponsorum cō-
sensu nascuntur, & sunt dissolubilia,
ergo per eorum consensum solui possunt.
Quod verum est, etiamsi fidemata sint iu-
ramento. Et in eo distinguntur sponsalia
à matrimonio, quod siue consummatum,
siue duntaxat ratum sit, ex mutuo con-
iugum consensu, quoad vinculum solui
nequit.

Notandum est autem hæc intelligi de
sponsalibus puberum: nam quod spectat
ad sponsalia impuberum, ea non possunt
ex mutuo utriusque cōsensu solui, quam-
diu impuberes sunt: ne ob ætatis in-
constantiam, & levitatem ingenij detur
illis occasio sæpe sponsalia contrahendi,
& ab iis resiliendi. Vbi vero eorum ali-
quis pubertatem adeptus est, potest ille
resilire non expectata alterius pubertate,
quod validè fieri si statim, id est, intra
tres dies resiliat; secùs si non nisi eo
tempore elapso contradicat: illud enim
silentium pro consensu reputatur.

Secunda pars ostenditur: nam etiam
matrimonium ratum hoc modo soluitur,
ut infra dicemus. Imò si sponsus religio-
nem ingrediatur, potest sponsa, non ex-
pectata illius professione, contrahere
sponsalia cum alio. Quia sponsus suscep-

DE POENITENTIA.CAP. XI. 225

tione habitus religiosi, satis ostendit se ex parte sua, sponsalibus renunciare. Unde si egrediatur, non tenerur sponsa fidem illi datum seruare, siue cum alio contraherit, siue non. Si tamen eo egresso, sponsa velit cum illo matrimonium contraherere, tenetur ille fidem praestitam seruare cum ea iure suo priuata non sit.

Cæterum quod dicimus de sposo ingrediente religionem, extendi debet ad illum, qui post sponsalia votet continentiam, vel susceptionem ordinis sacri, eum scilicet ex parte sua renunciare sponsalibus: teneri tamen contrahere, si ad hoc adigatur a sponsa, quæ propter vota illa sponsi, suo iure non est priuata, ex communi sententia. Quod si votum continentiae præcessit, illud dirimit sequentia sponsalia. At vero susceptio ipsa ordinis sacri, siue præcedat, siue sequatur, sponsalia dissoluit.

Tertia pars suadetur, quia sicut se habent sponsalia ad matrimonium ratum; ita se habet votum profitendi in Religione approbata, ad professionem ipsam. Quemadmodum enim qui sponsalia iniit cum aliqua, tenetur illi nubere; ita qui votum, profitendi emisit tenetur profiteri. Atque professio dissoluit ex vtraque parte, matrimonium ratum ergo & votum profi-

K 5

226 T R A C T A T V S
tendi sponsalia eodem modo dissolui.

Dixi, per votum profitendi; nam si tantum emittatur votum ingrediendi Religionem, sine animo profitendi, non puto hoc sufficere ad dissoluenda sponsalia: si enim ingressus ipse in Religionem non dissoluit illa ex parte ingrediētis, ut dictum est; qui ratione dici potest, votum ingressus ea peccatus dissoluere? Verum quia vouentes Religionem ut plurimum intendunt in ea profiteri, hinc sit ut votū illud censeatur sponsalia penitus dissoluere, nisi sufficienter constet de opposita voventis intentione.

Hoc tamen limita, nisi relicta in sēculo grave aliquod dānum iniuste incurat, ex eo quod alter Religionem ingrediatur: ut verbi causa, si sponsa relicta sit grāida, aut deflorata, aut talem familiaritatem habuerit cum sposo, ut inde grāis infamia sequarut, nisi simul contrahant. In hoc enim casu tenetur sponsus fidem iā sponsalibus datam servare, & ab ingressa religionis abstinere. Quia votum illius, cum sit alteri valde iniuriosum, à Deo minimè acceptatum fuit, ac proinde non obligat.

C O N C L V S I O V I . Sponsalia etiam solvantur per alia sponsalia, & per fornicationem. Prior pars probatur. quia

DE POENITENTIA. CAP. XL. 227

qui cum secundi sponsalia contrahit, si-
tis eo facto ostendit, se renunciat priori-
bus sponsalibus. Vnde prior sponsa li-
bera manet ab obligatione sponsalium,
& potest cum alio contrahere. Si tamen
ea nolit iuri suo ecdere, tenetur sponsus
cum ea contrahere, & non cum poste-
riori. Imo quamvis illa prioribus spon-
salibus renunciet, non tenetur sponsus ei
dubere, cum qua secundò sponsalia inuit;
quia cum hæc sponsalia irrita sint, nullā
obligationem inducere possunt.

Sed hic aduerte; predicta esse intelli-
genda, nisi sponsus à secunda priorum
sponsalium igsara, copulam obtineuerit;
adecò ut graue periculum infamie illi
immineat, nisi eare ducat. In hoc enim
casu puto cum teneri, cum posteriori cō-
trahere, ut eo contractu reparet graue
damnum ei illatum, præsentim cum prio-
ri sponsæ nullum inde aliud damnum ad-
veniat, ut suppono, quām quod ea non
cōsequatur rē sibi in sponsalibus promis-
sam. Quod damnum, ut liquet, nō est moti
momenti quāti iniuria posteriori illata.

Si tamen posterior sponsa, matrimonio
contracto moriarur, tenetor vir illius
cum priori sponsa contrahere: obligatio
enī quā cum illa spondendo contrah-
xerat, nō est extincta omnino per sequēs

K 6

298 TRACTATUS

matrimonium, sed tantum sponsa; ad eum modū quo sponsa tantum est obligatio illius, qui post votum religionis, matrimonium contraxit, & consummauit. Quare sicut ille, mortua uxore, tenetur religionē ingredi; ita alter mortua uxore, tenetur cū priori sponsa matrimonium inire.

Posterior pars ostenditur: cūm enim ea sit iusta causa diuortij inter coniuges. nō mirum est si sufficiat ad soluenda sponsalia. Si tamen innocens velit matrimoniu contrahere, fornicarius ad hoc compelli potest. Et in hoc ambo sponsi sunt pares; quia non tantum sponsa, sed etiam sponsus fornicando, fidem in sponsalibus datam violat: quare sponsa non tenetur ei fidem datam servare.

C O N C L V S I O VII. Solui quoque possunt, ex parte, sponsalia, ob mutationem adeò grauem alteri superuenientem, vt si præuisa fuisset, ea hominē similis conditionis, & cordatum à contrahendis sponsalibus verè deterruisset.) Talia sunt quæ seqvuntur. Primò quando alter sponsus incidit in morbum aliquem contagiosum, & qui horrorem incutere solet, qualis est lepra, morbus Hispānicus, seu Neapolitanus, Epilepsia, &c. Secundò si fiat notabiliter deformis, vt si priuetur naso, vel altero oculo; quāquam authores ad-

DE POENITENTIA.CAP.XI. 229

uerunt maiorem requiri deformitatem
in sponso, ut sponsæ resilire liceat, quām
in sponsa, ut ea à sponso relinquī possit.
Eo quod non tanta exigi solet pulchri-
tudo in viris, quām in mulieribus. Tertiò
si alter magnam bonorum iacturam fa-
ciat, ita ut alteri factus sit netabilitet in-
æqualis; quia hoc constitueret inæquali-
tatem in nuptiis, quæ præuisa ab iis me-
ritò retrahere potest. Si tamen, non ob-
stante graui iactura bonorum, qui eam
patitur manet æquè diues ac alter, & alio-
qui inter illos non est conditionum dis-
paritas, puto iacturam illam non sufficere,
ut alteri à sponsalibus resilire liceat.
Quòd si hæreditas alicui eorum de nouo
superuenerit, non propterea potest ille
sponsalia dissoluere, eò quòd alter non
est peioris conditionis quām anteà esset
dum sponsalia inita fuerunt. Quòd au-
tem dicimus de iactura bonorum, dicen-
dum etiam est de iactura famæ. Quariò
magna sœvitia, & morum asperitas de
nouo cognita; si enim ea sufficit ad ce-
lebrandum diuortium inter coniugatos,
à fortiori sufficiet ad dissoluenda spon-
salia. Quintò si probabiliter timeatur ex
contrac̄ti matrimoniī, infelix exitus, aut
graue scandalum; ut quia inter sponsos
ip̄sos graue odium natum est, aut quia

graues inimicitiae inter eorum patentes exoriuntur, quæ facilè sedari non poterant, si nuptiae celebrarentur. Non tamen sponsalia rescindere licet ob leues minus terroresque qui interdum iactari solent, quæque facile concidunt celebratis nuptiis, ut patet experientia.

Quo loco aduentendum est, non modo fas esse à sponsalibus resilire, quando mutatio grauis sponsalibus superurait, sed etiam quando ea præcessit, in contractu tamen ignorata fuit. Quod si tali mutatione cognita, sponsus sciens se habere ius resilendi à sponsalibus, sponsam congoescat, eo actu videtur renunciare iuri suo, & sponsalia rata habere. Quicne si eorum dissolutionem postea petat, suds ex eum audire non debet, et io similiter dicemus infra de coniuge, si ad uxore accedit, cogitatà sufficienti causa diuortij, propter adulterium ab ea parratum.

C O N C L V S I O V I I I . Quando quis est in mora, seu quando per ipsum stat, quomodo sponsalia tempore debito compleantur, alter manet liber ab obligatione sponsalium.) Ut hoc intelligas adiuerte, sponsalia deobus modis coartandi posse, primò ita ut nullum tempus sis praefigatur, quo nuptiae celebrandæ sint; & tucc et si unus sit in mora, ex legitima

DE POENITENTIA. CAP. XI. 231

causa , non propterea alter per quem non
stat quominus matrimonium contrahatur,
ab obligatione sponsalium liber remanet;
si tamen dilatio sit tanta , ut ex prudenti
iudicio credibile non sit , alium voluisse
ad eam se obligare , esto sit inculpabilis,
poterit ille qui non est in mora , à spon-
salibus resilit.

Alio modo celebrari possunt sponsa-
lia , adiecto certo termino intra quem
compleri debeant. Et hoc dupliciter fie-
ri potest. Primo ita ut nisi intra tale tempus
ineatur matrimonium , is per quem non
stat , liber sit ab obligatione sponsalium.
Et tunc certum est , elapsa tali termino
sponsalia dissolui , ex parte illius qui non
est in mora , seu per quem non stat , quin
nuptiae celebrentur. Vnde potest resilitre
si velit saltem quando alter culpabiliter
est in mora. Imo & ex probabilitate sen-
tentia , quando illius mora à culpa excu-
sari potest. Quia sicut in aliis contracti-
bus , ita & in isto contractu sponsalium ,
ut rescindantur sufficit , quod conditio
de qua partes mutuo conuenerant , adie-
cta non sit , et si ex neutraria culpa id pro-
ueniat.

Secundo potest praesigi certas termi-
nas sponsalibus , ea intentione , ut co elap-
so , qui est in mora possit cogi ad celebrá-

dum nuptias ; & tunc perspicuum est, statim post illum terminum assignatum, non manere liberum ab obligatione, eum per quem non stat, quominus compleantur sponsalia, sed tantum habere ius cogen- di alium, ut stet promissis. Vnde si requitus tantam protrahat nuptias, ut probabiliter videatur sponsalibus renun- ciare, aut manifestè peccet mortaliter protrahendo sine causa, fas est alteri à sponsalibus resilire. Quod verò spectat ad eum qui est in mora, siue culpabiliter, siue inculpabiliter, certum est eum non fieri liberum à fide data : atque adeò teneri contrahere, si alter qui habet ius rescin- dendi sponsalia, cedat iuri suo.

CONCLVSIO IX. Quando spon- sus in terras remotas se transfert, quia sponsalibus renunciare censetur, sponsa manet libera ab illo.) Quod tamen ali- qui limitant. Primo nisi ex consensu sponsæ discedat; sed adde, dummodo ex nimia sponsi mora, graue periculum in- continentiae sponsæ non immineat, aut non urget alia necessitas contrahendi matrimonium cum alio. Nam in his ca- sibus sponsa non censetur se obligasse ad fidem seruandam, etsi sponso licentiam discedendi dederit.

Limitant secundò, nisi sponsus ex cau-

DE POENITENTIA. CAP. XI. 233

fa necessaria, diutiū abesse cogatur: tunc enim aiunt sponsam debere expectare, donec impedimentum illud ablatum sit. Sed hoc falsum est, nisi supponas primò, nullum terminum sponsalibus fuisse appositorum, ut patet ex antedictis. Item sponsam nullum ex ea mora graue incommodum incursum.

Limitant tertio, nisi sponsus existens intra prouinciam, plusquam biennio absit; existens verò extra prouinciam, intra triennium non redeat. Verum existimo sponsam non ita teneri toto illo tempore expectare, quin possit Iudex Ecclesiasticus spectatis circumstantiis omnibus, maximè verò damnis, aut periculis quibus sponsa ex longa mora, subesse potest, certum tempus praefigere, ut interim monetur sponsus, quod nisi intra illud redeat, sponsa libera manebit ab obligacione cum illo contracta.

Limitant quartò, nisi spes sit cum breui redditum. Et hæc limitatio legitima est, tum quia in eo casu sponsus non censetur sponsalibus renunciare; tum quia ex breui mora nullum sponsa incursum est damnum, propter quod rationabiliter à fide data resilire possit.

Porro quod dicimus de eo qui alio se transfert, et si redditurus sit, à fortiori

dicendum de eo qui post sponsalia, in ter-
ras remotas domicilium suum transfert.
Sponsa enim non tenetur eum sequi, nisi
aliter inter eos conuentum sit. Et multo
minus si sponsus vagari velit; ea enim
conditio est nimis dura, ut ad eam cen-
seatur sponsa se obligasse.

SECTIO II.

*De natura, & institutione
Matrimonij*

CONCLUSIO I.

Matrimonium per se est res bona
& licita, iurisque naturalis.) Prior
pars est de fide, contra non paucos vete-
res haereticos, qui dicebant nuptias non
esse à Deo, sed à Dæmoni, earumque
usam esse illicitum. Probati autem po-
test, cum quia ex Genes. 1. & 9. constat
Deum tam ante, quam post peccatum Adæ
matrimonium approbasse. Tū quia Christus
Marth. 19. contra Iudeos disputat de
indissolubilitate matrimonij, eamque à
Deo institutam docet verbis illis, Q[uod]od
ergo Deus coniunxit, homo non separa-
ret. Tum quia idem Christus interfuit

nuptiis in Cana Galileæ celebratis, ut
liquet ex cap. 2. Ioan. Tum denique
quia Paulus sœpe matrimonium laudat,
etsi virginitatem illi præferat, ut constat ex
1. Cor. 7. & ex cap. 13. epist. ad. He-
breos; ex quibus etiam locis Patres
eandem passim veritatem confirmant.

Accedit ratio: nam negari non potest,
quin propagatio naturæ humanae sit res
per se bona; non potest autem natura hu-
mana modo debito, & convenienti pro-
pagari sine matrimonio: siquidem ad le-
gitimam illius propagationem requiri-
tur, non tantum procreatio filiorum, sed
etiam illorum nutritio & educatio, ad
quod necessarium est, ut pater & mater,
nexu quodam indissolubili, inter se sine
coniuncti. Si enim tale vinculum inter
illos tollatur, vel non recte, ut par est,
proles educabitur, vel si contingat ita edu-
cari, hoc erit per accidens, & non ex vi
alicuius obligationis quæ inter virum &
fœminam intercedat; qualis certè requi-
ritur, ut in re tanti momenti; legitimæ
prolis educationi sufficienter prouisum
sit, eo modo quo ratio naturalis docet
illi prouidendum esse.

Posterior pars suadetur: nam quoad
præsens, illud dicitur iuris naturalis,
quod fit ipsa dictante natura, seu ad quod

natura ipsa propendet. Atqui homines naturaliter propendent in matrimonium; ergo matrimonium secundum se est ex iure ipso naturæ. Probatur minor, quia quelibet res naturalis inclinatur ad conseruationem sui. & si corruptioni obnoxia sit, ad conseruationem suæ speciei, per generationem individualium, & conuenientem prolis educationem. Homo autem non potest conuenienter naturæ suæ educari, nisi pater & mater perpetuo nexu inter se socientur, ut dictum est. Quare talis societas est secundum inclinationem hominis naturalem, & catenus ex iure naturæ.

Vnde initio mundi tenebantur homines, ex præcepto naturæ, matrimonium inire; siquidem ex iure ipso naturæ tenebantur Deo famulari, quoad propagacionem generis humani. Hæc autem propagatio rectè fieri non poterat, nisi vir & fœmina matrimonio simul coniungerentur, ut dictum est. Quare talis coniunctio erat præcepta, ex iure ipso naturalis, seu citra omnem præceptum Dei positum.

CONCLUSIO II. Matrimonium est verum nouæ legis Sacramentum.) Est de fide, definita in Concilio Trident. sess. 7: de sacramentis in genere

DE POENITENTIA, CAP.XI. 237

can. 8. & sess. 24 can. 1. Ex quibus locis constat 1. matrimonium esse verum sacramentum. 2. esse sacramentum nouæ legis. 3. illud à Christo esse institutum. Vnde colligi potest, matrimonium ante aduentum Christi, non fuisse verum sacramentum gratiam conferens.

Nonnulli contra hoc corollarium tria obiiciunt. Primo illud Pauli ad Ephes. 5. Sacramentum hoc magnum est, ego autem dico in Christo, & in Ecclesia, quod de coniugio Adæ & Euæ intelligi volunt. Respondent aliqui Apostolum agere dimiticat de matrimonio Christianorum. Sed melius dicitur ibi sacramenti nomen latè sumi, pro signo conjunctionis Christi & Ecclesiae, quod ad rationem sacramenti non sufficit, ut ex dictis satis superque intelligitur.

Secundo obiiciunt, Deum Genes. 2. benedixisse coniugio Adæ, & Euæ. Dei autem benedictio, cum efficax sit, gratiam confert. Quia matrimonio primorum parentum gratia collata fuit, & in eo aliis promissa. Vnde aperte sequitur, matrimonium ab eo tempore esse sacramentum. Respondeo, si hoc argumentum quicquam probat, eo concludi non tantum coniugium primorum parentum, sed etiam aliorum animalium coniunctio-

nem. gratiam habere adiunctam, & verum esse sacramentum. Sicut enim creatis primis parentibus, Scriptura refert Deum benedixisse illis, & dixisse, Crescite, & multiplicamini. Ita productis reptilibus, & volatilibus, scribit Deum illis benedixisse, & dixisse, Crescite, & multiplicamini.

Tertiò arguunt ex Leone Magno, qui epist. 29. cap. 4. docet, nuptias sic ab initio fuisse institutas, ut haberent in se Christi, & Ecclesiae sacramentum. Respondent aliqui, illud ab initio, non esse intelligendum de initio mundi, sed de ipso initio institutionis matrimonij factæ à Christo. Verum facilius & verius dici potest, significationem illam, quam Leo tribuit coniugio, non sufficere ad rationem sacramenti propriè dicti, quale nos in noua lege exigimus. ut ante dictū est.

C O N C L V S I O III. Matrimonium iniri non potest inter Christianos, quin sit sacramentum; non est tamen sacramentum, quod ex dispensatione summi Pontificis contrahitur, inter baptizatum, & non baptizatum.) Prior pars est communis Theologorum qui docent, rationem contractus civilis & sacramenti, ita intime in matrimonio novæ legis coniungi, ut impossibile sit baptizatos validè ma-

DE POENITENTIA. CAP. XI. 239

trimonium contrahere, in ratione contractus, quin illud simul contrahant, sub ratione sacramenti. Fundamentum autem præcipuum sumitur ab authoritate Conciliorum Florent. & Trid. quæ cùm definiant matrimonium fidelium verum esse sacramentum, eaque definitio sit generalis, de omni matrimonio, inter baptizatos validè contracto, intelligi debet.

Hinc autem collige, matrimonium quod contrahitur per procuratorem, cum sit validum in ratione contractus, habere veram rationem sacramenti. Vnde sequitur eos qui ita contrahunt, debere esse in gratia, quo tempore procurator eorum nomine contrahit. Quia aliás indignè susciperent hoc sacra entum, quod pro viuis est institutum.

Posterior pars ostenditur, quia sicut in unoque coniuge non est nisi unum numero sacramentum. Ergo si totum alter est incapax huius sacramenti, matrimonium in alio sacramentum esse non potest. Porro cum baptismus sit iunctio aliorum omnium sacramentorum, certum est personam non baptizatam, nullum ex reliquis sacramentis validè suscipere posse.

Dices, hanc rationem supponere rem fallamini, utrum unum numero matrimo-

nium esse in duobus , quod videtur impossibile , cum vnum numero accidentis non possit esse in duobus subiectis realiter distinctis. Respondeo matrimonium à nobis considerari ut est ens aliquod morale , quomodo non repugnat esse vnum in duabus personis. Sicut in omnibus Cardinalibus est vna potestas ad eligendum summum Pontificem. Oppositum autem intelligitur de accidente phisico, quod repugnat esse simul idem numero in subiectis distinctis.

Sed contra hoc , sunt qui obiciunt illud Pauli 1. Cor. 7. Sanctificatus est enim vir infidelis , per mulierem fidelem , & sanctificata est mulier infidelis per virum fidelem. Ex quibus verbis colligunt, virum fidelem qui nubit infideli, sanctificari per sacramentum Matrimonij , ipsumque iam sanctificatum coniugem infidem sanctificare.

Verum non loquitur Paulus hoc loco de sanctificatione per sacramentum, sicut neque de sanctificatione vnius coniugis ab altero , ex opere operato. Eiusmodi enim sanctificatio imaginaria est, & omni fundamento destituta. sensus ergo est, quod vir infidelis simul degens cura uxore sancta & fideli , illius exemplo, conuersatione , & precibus paulatim ad iusti-

DE MATRIMONIO. CAP.XI. 241
iustificationem disponi potest. Eo modo
quo Valerianum à sancta Cæcilia, &
Adrianum à sancta Natalia conuersos
fuisse historiæ testantur.

Vbi aduerte 1. iam dicta esse intelligenda de matrimonio, quod ex dispensatione summi Pontificis, contrahitur inter baptizatum, & non baptizatam. Nisi enim talis dispensatio habeatur, matrimonium erit nullum, etiam in ratione contractus; quia infidelitas consuetudine Ecclesiæ, impedit iam matrimonium, quod fidelis cum infideli contrahere vellet, & contractū dirimit; licet initio nascentis Ecclesiæ, oppositum esset invisu.

Aduerte 2 Quando infideles baptizantur, matrimonium ab iis anteā contractum, non fieri sacramentum. Ratio est, quia matrimonium spectatum, prout continet rationem sacramenti, essentia-liter est cōtractus initus inter duos baptizatos. At in casu proposito, hoc reperiiri non potest. Nam imprimis dum infideles baptizantur, nullus fit contractus de nouo, neque fieri potest, cum nemo possit dare quod suum non est, & anteā factus non existit. Deinde quando p̄cedens contractus fiebat, illi non erant baptizati: ergo in eorum matrimonio nunquam reperitu id totum, quod simul de matrimonio,

L

necessarium est, ut ad sacramenti dignitatem eleuetur.

C O N C L V S I O I V . Consensus mutuus contrahentium verbis, aliisue signis externis expressus, habet rationem materiæ, & formæ in hoc sacramento. Ipsi verò contrahentes sunt ministri illius.) Prior pars ita debet intelligi, ut consensus mutuus habeat rationem materiæ, quatenus mutuam traditionem corporum complectitur: rationem verò formæ, quatenus mutuam acceptationem continet. Cum enim traditio sit quid incompletum, & indeterminatum, donec perficiatur per acceptationem, meritò illa materiæ, hæc formæ rationem obtinet.

Confirmatur: nihil enim est in matrimonio, cui commodius ratio materiæ, & formæ competere possit. Quod enim verba Sacerdotis, de quibus potest esse aliquid difficultas, non habeant ratione in formæ, ex eo patet, quia ex communis sententia valere potest mstrimonium: et si Sacerdos non loquatur; cum tamen sacramentum stare non possit, absque forma sua essentiali.

Accedit quod forma proferri debet super materiam præsentem, & sufficienter applicatam: hoc autem interdum

non potest, quando nimis matrimoniu
contrahitur per procuratorem inter ab-
sentes: tunc enim Parochus non est præ-
fens, nisi vni eorum qui nubere volunt,
& consequenter non potest proferre ver-
ba, supra materiam ab absente exhibi-
tam. Quare dici non potest, quod forma
essentialis huius sacramenti in verbis Sa-
cerdotis consistat.

Posterior pars suadetur, tum quia sa-
cramentum Matrimonij essentialiter est
contractus: at in contractu nullus aliis
assignatur minister, præter ipsos contra-
hentes, qui soli se mutuo obligant, &
contractum efficiunt. Tum quia in Con-
cilio Florent. in instruct. Armenorum sic
habetur. Causa efficiens matrimonij re-
gulariter est mutuus consensus, per verba
de præsenti expressus. Si autem Sacerdos
esset minister huius sacramenti, ipse esset
causa efficiens matrimonij. Et in eadem
instructione, etsi pro aliis sacramentis
assignetur minister, non tamen pro ma-
trimonio. Tum denique quia licet post
Concilium Trident. præsentia Parochi
sit necessaria, ad validitatem matrimo-
nij: antea tamen valebat matrimonium,
etsi Sacerdos non adesset; imo & nunc
etiam valet in locis ubi Concilium illud
non est receptum. At sacramentum non

valet, sine ministro ad illud essentialiter
requisito; ergo Sacerdos non est mini-
ster matrimonij.

Neque refert 1. quod in dicta instru-
ctione statuatur, sacramenta tribus con-
stare, rebus, verbis, & ministro. Sicut
enim matrimonium ab ea regula excipi-
tur, quantum ad verba, quorum loco alia
signa substitui possunt, ita & quoad mi-
nistrum, à suscipientibus distinctum, ex-
cludi debet. Quanquam neque hoc sa-
cramentum sine ministro peragitur, cum
ipsi contrahentes sint ministri, ut di-
ctum est.

Neque refert 2. quod ex praescripto
Concilij Trident. Parochus viro & mu-
liere interrogatis, eorumque consensu
audito, dicere debeat verba illa. Ego vos
in matrimonium coniungo: eiusmodi
enim verborum sensus non est, Ego ef-
ficio coniunctionem inter vos; sed, ego
declaro, vel approbo coniunctionem ve-
stram, Etenim cum soli coniuges con-
trahant, iij soli ad coniunctionem mu-
tuam, ut illius causæ concurrunt. Vnde
singuli dicere possunt, Ego me tibi con-
iungo.

Accedit quod si Sacerdos esset verus
minister matrimonij, & verba illius essent
de essentia confirmationis sacramenti,

DE MATRIMONIO. CAP.XI. 245

Concilium determinatè pro omnibus locis assignaret certa verba, ut patet in aliis omnibus sacramentis. Hoc autem non præstat, sed tantum iubet, ut Parochus proferat verba superius allata, aut alia, secundum consuetudinē Provinciæ. Quid, quod etsi Parochus aliqua verba proferre debeat, id tamen, ut infrà dicemus, ad valorem matrimonij non requiritur.

CONCLVSIO V. Consensus matrimonij adeò debet esse liber, ut metus cadens in virum constantem matrimonium irritet.) Ratio est, quia licet metus non cogat voluntatem, & quod metu compulsi volumus, liberè velimus; quia tamen matrimonium est res maximi momenti, & in eo multa sunt onera ferenda, merito Ecclesia ad valorem illius exigit maiorem, & pleniorum libertatem, quam sit in consensu, qui extorqueretur per metum, cadentem in constantem virum. Eò vel maximè quia ex matrimonio metu contracto, innumera mala oriri possunt.

Porro ad intelligentiam huius resolutionis, nonnulla obseruanda sunt. Primo nos loqui de metu ab extrinseco, seu à causa libera incusso. Vnde si quis metu inferni contraheret cum sua concubina, matrimonium esset validum. Quia nimi-

rura metus tunc prouenit ab intrinsecō per modum naturæ, non autem ab agente libero matrimonium extorquentे.

Secundò aduerte. prædicta esse vera, quando metus ab extrinsecō incutitur, animo cogendi ad matrimonium: Si enim alia de causa metus incutiatur, contractus erit firmus. Hinc si quis capite plectendus, ob crimen aliquod à se patratum, vt pœnam illam evaderet, cum aliqua contraheret, matrimonium illius esset firmum & ratum: quia talis tunc non inducitur ab alio ad matrimonium, sed ipsemē sponte eligit medium illud, vt malum præsens euitet.

Tertiò ad irritandum matrimonium, requiritur vt metus, iniuste incutiatur. Nam si metus iuste sic incusus, matrimonium non irritatur. Vnde si quis minatur mortem per se, & priuata auctoritate inferendam, dormienti cum filia, nisi eam accipiat in uxorem, coniugium inde secutum est nullum. Secus verò si tantum minaretur accusatum coram Iudice.

Quartò requiritur metus grauis, qualis dicitur ille qui communiter homines constantes grauite terret, eosque ad res magni momenti aggrediendas inuitos compellit. Qualis est metus mortis, gra-

DE MATRIMONIO. CAP.XI. 247

uis infamiae, aut notabilis amissionis bonorum temporalium, &c. de quibus prudenter iudicandum est, spectatis omnibus circumstantiis, quae res ut plurimum variare solent. Non sufficit autem letis suspicio imminentis mali, sed moralis certitudo requiritur, ac praeterea opus est ut aliâ viâ quam per matrimonium, malum illud vitari non possit. Sufficit autem siue nobis, siue parentibus, siue aliis, arctissimo amicitiae vinculo nobis coniunctis, inimineat; quia parentum, & amicorum mala nostra reputamus.

C O N C L V S I O VI. Contractus initus sub conditione de futuro, valere incipit adueniente conditione, non ante.) Ratio est, quia contrahentes verè intendunt contrahere, si talis conditio extiterit; vnde, eâ positâ, eorum consensus est absolutus. Contra verò, si ea non adueniat, non intendunt contrahere: ergo in primo casu valet matrimonium; in secundo minimè.

Nota 1. conditionem honestam, quae est contraria substantiæ matrimonij, illud non irritare, ut si quis dicat, contra te cum, si modo te obliges, ad castitatem perpetuò seruandam. Ratio est, quia dominium alicuius rei ab illius usu distinguatur. Quare cum per allatam condi-

tionem non tollatur dominium, quod contrahentes sibi mutuo tradunt, in propria corpora, sed tantum usus illius dominij impediatur; hinc sit, ut sub ea conditione valeat matrimonium, quod essentialiter consistit in mutuo corporum dominio.

Nota 2. quando consensus matrimonij suspenditur, per conditionem de futuro, adueniente tali conditione, matrimonium fieri validum, sine novo ullo consensu; dummodo prior consensus in utraque parte habitualiter perseveret, & non sit retractatus, ut patet in aliis contractibus. Vnde colligere potes, eum qui cum duabus contraxit de praesenti, apposita conditione de futuro, esse maritum illius, cuius conditio primò aduenit; etsi forte cum illa posteriori loco contraxerit. Secus autem dicendum est, si utraque conditio simul impleatur, tunc enim neuter contractus tenet, quia perinde est, ac si idem simul cum duabus contraxisset, in quo casu nullum est matrimonium.

An autem in consensu conditionato, necesse sit ad valorem matrimonij, ut constet Parochio conditionem esse adimpleram, dubium esse solet inter authores, quorum alij affirmatiuam, alij negatiuam partem tuentur. Ego vero existimo, in iis

locis in quibus Concilium Tridentinum est receptum, debere Parrochum imple-tionis conditionis interesse; alias matrimoniū non tenere, quod similiter de testibus affirmandum est. Et ratio est, quia alioqui contrahentes possent negare cōditionem fuisse impletam, ac proinde resilire in foro extēno: vnde seque-rentur grauissima incommoda, ad quæ vitanda instituit Concilium, ut contra-ctus ineatur coram Parocho, & testibus; quod non solum intelligi debet, de contractu inchoato, sed etiam de perfecto & absoluto, qualis non est, ante conditionis aduentum, si sit conditiona-lis.

Quæritur etiam, an matrimonium con-tractum sub conditione de futuro, valeat statim atque apponitur conditio, siue id innotescat contrahentibus siue non. Respondeo non valere, donec ipsis constet conditionem extare. Quia ut valeat ma-trimonium, debent contrahentes sibi mutuò aliquo signū extēno, significare determinatè consensum suum; at quando nondum sciunt conditionem appositam extare, signum quod adhibuerunt, non magis significat consensum, quam dissen-sum illorum, ut patet, si hoc modo con-traxerint; contrahō tecum, si pater tuus

hoc, vel illud fecerit, aut dixerit. Etsi enim à parte rei conditio illa sit impleta; tamen quamdiu contrahentes id ignorant, verba prædicta non magis ipsis significant assensum, quām dissensum; & iij quorum in præsentia fuerunt prolata, non magis intelligunt eos cōsentire, b quām dissentire. Quare quandiu ignorantia illa durat, verba prædicta, aut similia, non sunt satis efficacia ad matrimonium constituendum.

C O N C L V S I O VII. Ut consensus matrimonij sit validus, debet cōram Parocho, & testibus declarari, in iis locis in quibus receptum est Concilium Trident.) Quod ut clariū percipi possit: Aduertendum est primò ad valorem matrimonij requiri proprium Parochum: quo nomine intelligimus Parochum, in cuius Parochia contrahentes maiori anni parte, domicilium habent constitutum. Quod si contrahentes in diuersis Parochiis habitant, non opus est ad valorem matrimonij, vt vtriusque Parochus matrimonio intersit; sed alterutrius præsencia sufficit, siue ille assistat in propria Parochia, siue in Parochia contrahentis sibi non subditi, siue in Parochia omnino aliena. Sicut enim Parochus extra propriam Parochiam, potest sibi subditos validè absoluere à peccatis, ita eorum ma-

DE MATRIMONIO. CAP. XI. 251

trimonium validè interesse potest.

Secundò aduerte, non opus esse ut Parochus assistens matrimonio sit Sacerdos, quia hæc præsentia non est actus ordinis. Potest autem Parochus non Sacerdos, validè exercere omnes actus, qui à potestate ordinis non pendent.

io Tertiò nota, ex commissione, vel licentia Parochi, posse alium validè assistere matrimonio. Qui autem ita assistit, debet esse Sacerdos, ut colligitur ex Concilio Trident. sess. 24. cap. 1. de reformat. matrimonij: non tamen requiritur, ut eiusmodi Sacerdos ab Episcopo sit approbatus. Sicut autem potest Parochus matrimonio subditorum validè assistere, extra propriam Parochiam; ita & Sacerdos, cui facultas ab eo demandata est, assistendi matrimoniis, quæ ab illius parochianis celebrabuntur.

Quartò aduerte Parochum, vel alium ab eo deputatū, debere esse præsentē contractui matrimonij, non solum corporaliter, sed etiam moraliter, seu cum aduentia & vsu rationis; quia alijs non possit testari, matrimonium initum fuisse.

Quæ etiam ratio est, cur debet actuare rendere, ad ea quæ peraguntur: si enim quādiu fit contractus mente vagetur, quomodo, testari poterit matrimonium ab .i. mo. 1. l. 1. n. 1. L. 6. 20 222

252 T R A C T A T V S

ritè peractum esse? Hoc certè perinde erit
ac si dormireret, vel omnino abesset.

Porro quia idèò solum requiritur Parochus, ad valorem matrimonij, ut de eo in foro externo, quoties opus fuerit testari possit; hinc sit ut matrimonium sit ratum, etsi Parochus vi detineatur, & à fortiori, si dolo adducatur ad locum, ubi matrimonij celebratur, vel casu ibi repetiatur, dummodo aduertat quæ aguntur: quāuis grauiter peccent, qui ita contrahunt,

Quintò obseruandum est, ad valorem matrimonij præter Parochū, requiri tres, vel ut minimum duos testes, ut patet ex Concilio Trid. loco citato; illi autem debent interesse humano & morali modo, ut de Parocho diximus. Vnde infantes, stulti, ebrij, & similes inualidē assistunt. Debent etiam simul interesse cum Parocho, neque sufficeret assistētia successiva. Non tamen requiritur, ut sint testes omni exceptione maiores, id est tales, ut nullum habeant vitium ex iis, ob quæ iure à testimonio ferendo repelluntur, & iis in foro externo fides minimè adhibetur. Vnde excommunicati, infames, parentes, mulieres, serui pueri ratione videntes matrimonio validē assistunt.

Sextò ad matrimonium præmitti debent, ex præcepto, denunciations, ut patet ex Cōcilio Trident. sess. 24. cap. 1. de

reform. matrim. ita ut tā Parochus, quām contrahentes, eas sine dispensatione ordinarij, aut legitima causa omittentes, peccent mortaliter. Per denunciations autem intelliguntur monitiones quædam, quæ præmittuntur matrimonio, vt si quis nouit impedimentum aliquod inter contrahentes, illud reuelet. Et illæ monitiones fieri debent tribus diebus festis, qui se immediate non consequantur, idque in Parochia vtriusque contrahentis.

Septimò nota, cum qui nouit aliquod impedimentum inter contrahentes, teneri illud reuelare Pastori: quod verum est, etiam si impedimentum sit occultum, & qui illud nouit secretò, extra confessionem, illud audierit, & iuramento addito promiserit se non reuelaturum. Excipiens est tamen casus, in quo reuelanti graue aliquod damnum immineret, aut ea reuelatio magnum scandalum paritura esset: vel si ille à quo impedimentum audiuit, non esset fide dignus.

Statim autem ac Pastor audiuit subesse impedimentum, moneat secretò contrahere volentes, vt à matrimonio desistant. Si renuunt, non intersit eorum matrimonio, sed ad Ordinarium deferat eorum impedimentum. Ordinarius verò, si impedimentum legitimè probetur, matri-

monium impedit. Quod impedimentum nihil est aliud, quam peccatum mortale occultum, non potest Parochus eos publicè perentes repellere, ut facile est intelligere ex iis quæ diximus, de indignè accipientibus ad Eucharistiam.

CONCLVSI O VIII. Matrimonium validè contrahi potest, inuitis parentibus.) Ita communiter Theologi post Trident. sess. 24. cap. 1. de reformat. matrimonij. Ratio est, quia omnia quæ spectant ad essentiam matrimonij adhiberi possunt, et si parentes non consentiant, nempè materia, forma, & ministri, qui sunt ipsi contrahentes, & præterea Parochus, cum aliis duobus testibus: quare nulla est ratio, cur contractus matrimonij tunc non valeat. Quod si quidam canones exigunt parentum consensum, intelligendi sunt de existentia ex honestate & decentia, non ex necessitate sacramenti. Si quæ vero leges tale matrimonium irritant, eæ iure canonico sunt abrogatae, ex communi sententia.

Vbi pauca aduertenda sunt. Primo interdum esse peccatum mortale non obediens parentibus, certum matrimonium præcipientibus quando verbi causa, tale matrimonium valde conduceret, ad componeandas graues inimicitias, ortas inter

parentes eorum qui nubere debent , & propter similes causas. Quod intellige, dummodo filius, cui imponitur tale præceptum, statum matrimonialem amplecti velit : si enim vult religionem ingredi, non tenetur parentibus obedire , nisi in casu, quo ipsi essent in magna necessitate constituti, & nullum esset medium aptum , ad sublevandam eorum indigentiam , præter matrimonium ab illis imperatum.

Secundò nota , aliquando excusari à peccato mortali filium , qui nuptias à parentibus oblatas , & præceptas reiicit, ut si parentes velint eum contrahere cum foemina infami , vel impudicā , aut leprosa , &c. Idemque dicendum est de eo, qui ex iusta causa , parentibus invitatis, cum aliqua contrahit ; ut qui verbi causa à parentibus nimis asperè tractatur, aut quia vigesimum quintum annum excessit & parentes de quærenda ei uxore , nullo modo sunt solliciti.

Tertiò nota , non posse parentes licetè saltem graui meru injecto, compellere filios ad statum matrimonij amplectendum, aut ad contraheendum cum hac, vel illa. Quia cum in eo statu quædam sit seruitus perpetua, homo qui natura liber est , ad illum sponte se obligare debet.

Similiter peccant parentes, qui sine iusta causa impediunt, quominus eorum liberi matrimonium ineant. Non tamem incurruunt. Excommunicationem latam in Concilio Trid. sess. 24. cap. 9. de reformat. matrimonij; quia illa tantum fertur contra dominos temporales, & Magistratus, aliosque iurisdictionem in foro externo habentes, qui subditos, vel alios cogunt, ne liberè matrimonium contrahant.

CONCLVSIO IX. Quando alter contrahentium sicutè consensit, satis est ad valorem matrimonij, si ille solus posteà verè, & ex animo consensum præbeat.) Ratio est, quia ad valorem matrimonij requiritur, & sufficit utriusque consensus: in casu vero prædicto consensus unius de novo ponitur; alterius vero consensus adhuc perseverat, ut supponimus: Ergo uterque consensus sufficienter concurrit, ad constituendum verum matrimonium.

Deinde, si ille qui iam actu consentit, nullo pacto antea consensisset, validè contraheret cum alio cuius consensus moraliter perseverat. Quidni ergo idem præstabit, et si inualidè cōsenserit? Moneo tamen securius esse, si uterque consentiat, & ita consulendum, nisi periculum esset, ne qui consensit sciens alterum non consensisse,

atque adeo matrimonium esse nullum,
vellet resilire; aut inde sumpturus esset
occasione odio habendi, vel spemendi
eum qui non consensit. Hæc enim &
similia accuratè, & cum magna prudentia
expendi debent.

Hic autem obseruandum est, resolutio-
nem intelligi in casu, quo matrimonium
invalide fuit celebratum, ex defectu
consensus unius partis duntaxat: si enim
neuter contrahentium consensit, uterque
debet nouum consensum elicere, cum-
que ligno aliquo externo exprimere.

Porrò nonnulli authores ponunt dis-
crimen inter priorem, & posteriorem
casum; quod in priori sufficiat, si ille qui
priùs fictè consenserat, interius consen-
sum edat, nullo adhibito signo externo.
In posteriori verò, requiratur nouus
utriusque consensus, signo externo mani-
festatus.

Verūm non capio eiusmodi discriminem:
nam non minus in uno, quam in alio ca-
su requiritur, ut signum externum à
consensu interno procedat: signum autem
priùs adhibitum ab eo qui fictè consen-
sit, non poterat procedere à consensu fu-
turo, & consequenter illud non poterat
esse signum eiusmodi consensus. Quare
de novo aliud signum, quo nouus con-

sensus exprimatur, adhibendum est. Unde si matrimonium sit per procuratorem, non satis est quod ille qui factè procuratorem constituit, interius fictionem reuocet; sed præterea opus est, ut talis reuocatio fiat signo aliquo externo, quod procuratori innoteat.

C O N C L V S I O X. Quando matrimonium fuit inualidum, ob aliquod impedimentū dirimens, requiritur nouus utriusque consensus.) Explico. Titius contraxit cum Berta, existimans maritum illius mortuum esse. Elapsis aliquot mensibus vel annis, eorum alter certò scit, Berta maritum fuisse superstitem, tempore quo initus fuit contractus, posteà verò è viuis excessisse. In eo casu, cùm prior ille contractus, ex parte utriusque coniugis inualidus fuerit, ob impedimentum dirimens, non tantum ab eo qui impedimentum nouit, verum etiam ab alio coniuge, qui illius impedimenti non fuit conscientius, consensus iterum est reuocandus, ac signo aliquo externo exprimendus.

Quo loco obseruandum est primò, quando alter dumtaxat coniugum est conscientius impedimenti, alium debere certiores fieri de nullitate prioris matrimonij, ut ambo de novo consentiant. Causa tamen nullitatis occultanda est,

DE MATRIMONIO. CAP. XI. 232

Si coniuges ita se mutuo diligant, ut nullum sit periculum, si ea detegatur. Quod si probabiliter dubitatur, virum magnas turbas excitaturum, si sciat matrimonium ante contractum ob impedimentum aliquod dirimens, invalidum fuisse, satis est si mulier cautè, & dissimulanter curet cum de novo consentire, & ipsa vicissim consentiat, ut si ita dicat. Me ne ita diligis, ut si nullum infer nos esset matrimonium, de novo mecum contraheres, & ex nunc vis meus esse matutus? Eo autem assentiente, mulier eodem modo censentiat.

Non sufficeret autem, si vir solum diceret, velle te ducere in uxorem, si nullum inter nos esset matrimonium, sed requiritur ut actu intendat contrahere, & dicat, volo tecum contrahere, si forte matrimonium fuit invalidum, aut quid simile. Quia in priori casu non ponitur voluntas contrahendi, sed esset ponenda sub conditione, quomodo nihil operari potest. In hoc tamen consensu exigendo, magna opus est uxoris prudentia, & Confessarius hac in re eam instruere debet.

Rursus obseruandum est, eos qui falso existimant, impedimentum aliquod subsesse, & eo stante, matrimonium validè contrahi posse, validè contrahere, si ma-

matrimonium simul ineant. Ratio est, quia cum à parte rei nullum inter eos sit impedimentum, ut falsò arbitrantur, & aliunde verè intendant contrahere, nulla ratio est cur eorum consensus non sit ratuſ. Imò propter eandem rationem, et si credant matrimonium validè contrahi non posse, cum eo impedimento quo se ligatos esse falsò opinantur, matrimoniuſ inter illos ritè perficitur, si mutuos consensus edant, quantum possunt.

Præterea aduerte, consensum de nouo elicitum ab illis qui inualidè contraxerunt, qui que falsò existimant contractum ab illis celebratum ratum esse, non sufficere ut inter illos verum matrimonium existat. Cuius ratio est, quia ille qui ita consentit, non vult de nouo contrahere, sed priorem tantummodo contractum, quem ratum arbitratur, posteriori illo consensu approbare, & ratificare, quod fieri non potest; quia cùm prior contractus sit nullus, ratificari non potest.

Observandum denique, quando matrimonium, inualidè coram Parocho, & testibus propter impedimentum aliquod occultum, celebratum fuit, non opus esse, ut contrahentes iterum coram illis consentiant; sed satis esse, si priuatim mutuos consensus edant, & exterius expri-

DE MATRIMONIO. CAP.XI. 261

mant. Ratio est, quia finis legis latæ à Concilio Trident. de adhibendo Parocho & testibus, ad valorem matrimonij, non se extendit ad casum, de quo agimus. Quia cùm matrimonium coram Parocho, & testibus celebratum fuerit, si quis contrahentium resilire vellet, ab Ecclesia impediretur, cùm nullitas matrimonij sufficienter probari non possit, ut supponimus.

Contra verò si impedimentum, ratione cuius matrimonium inualidè contractum fuit, sit adeò notum, ut sufficiēter quoad forum externum, probari possit, debent contrahentes iterum coram, Parocho & testibus, consensus mutuos exprimere. Quia cùm ex vna parte prior contractus irritari possit, propter probationes quibus innititur, ex alia vero posterior, si sine Parocho & testibus celebretur, in foro externo probari nequeat; posset ita contrahentes, relicta vxore, cum qua secreto contraxit, alteri nubere; & ita sequentur incommoda illa, quæ Conciliū summopere vitare intendit.

C O N C L V S I O XI. Mortuo vno coniuge, potest alter iterum nubere: non licet tamen nunc eidem viro, plures simul uxores habere, etsi alias licuerit.) Priorem partem tradunt omnes Catholi-

ci, contra Montanistas, & Nouatianos, qui secundas nuptias, ut illegitimas damnabant, quorum errorem amplexus est Tertullianus, ut liquet ex lib. de Monogamia quem ideo Hieron. cap. 1. ad Titum, hæreticum esse docet.

Hoc autem probatur apertissimis Scripturæ testimoniis. Ad Rom. 7. inquit Paulus, Quæ sub viro est mulier, viuente viro alligata est legi; si autem dormierit vir eius, soluta est à lege viri, ut non sit adultera, si fuerit cum alio viro. Et 1. ad Cor. 7. Si dormierit vir eius, liberata est à lege, cui vult nubat, tamen in Domino.

Vbi notandum est, Apostolum non dicere, si dormierit vir eius primus, aut secundus, sed absolute vir eius, ut ostendat mulierem mortuo primo viro, cum secundo posse contrahere; mortuo secundo, cù tertio, & sic deinceps. Quæ ratio est, cur Hier. in ep. 50. dicat, se concedere secundas nuptias, nec damnare trigamos; immo nec si dici possit, octogamos. Et Epist. 11. refert se Romæ vidisse virum, qui sepelierat viginti uxores, & quia tandem contraxit cum muliere, quæ sepelierat virginis duos viros, neque tot nuptias dānat.

Quanquam negandum non est, esse aliquod incontinentiæ signum, multoties

nubere. Vnde Patres interdum paulo af-
peré agunt in eos, qui sæpius nubunt; non
autem quod secundas, aut tertias nuptias,
ut malas & illicitas damnent, ut hæreti-
ci ipsis imponunt.

Dices secundas nuptias ab Ecclesia non
benedici, quod signum est ab illa non ap-
probari. Egregia ratio, quasi vero Eccle-
sia pateretur, nuptias secundo contrahit,
nisi eiusmodi nuptias approbaret. Nō igi-
tur ideo benedictionem denegat secūdis
nuptiis, quod eas damnet, aut non appro-
bet; sed quia ille qui secundo contrahit,
benedictionem in prioribus nuptiis acce-
pit, & congruum non videtur, ut eadem
res bis solemniter benedicatur, ut patet
in templo, altari, calice aliisque rebus sa-
cris, quæ non nisi semel benedici solent.

Nihilominus in variis locis consuetu-
dine receptum est, ut nuptiæ secundæ be-
nedicantur, si mulier alias non nupsit, &
vir tantum sit viduus. Imo Ioan. XXII.
sternit ut secundæ nuptiæ benedicerentur,
quando unus contrahentiū siue vir, siue
mulier nūquā alias cōtraxit, ne alter pro-
pter alterū benedictionis gratia priuetur.

Posterior pars est de fide, ut constet ex
Conc Trid sess 24 can. 2. his verbis. Si
quis dixerit, licere Christianis plures si-
gnal habere uxores, & hoc nulla lege di-

uina esse prohibitum, anathema sit. Probatur autem ex c. 19. Matt. vbi Christus reducit matrimonium, ad primam illius conditionem, quam habebat, quando primi parentes matrimonium inierunt, & reuocat facultatem Iudæis concessam, dimittendi vxores, & pluribus nubendi. Vnde Paulus 1. Cor. 7. monet, vt unusquisque suam vxorem habeat, vitandæ fornicationis causa, suam inquit, id est unam, non autem duas, aut tres, vel plures.

Obiici solet aduersus posteriorem hanc partem, exemplum Valentiniani Imperatoris pij & Catholici viri, qui legem promulgavit, vt liceret unicuique plures uxores sumere, teste Socrate lib. 4. cap. 27. Respondent aliqui meritò Imperatorem illum reprehendi, quod ausus fuerit legem à Christo latram abrogare, & contrariam statuere, quo facilius libidinem suam explere posset, ducendo aliam uxorem, primâ, ex qua Gratianum genuerat, superstite.

Alij dicunt, eam esse meram Socratis, hominis Arriani, calumniam: si enim Valentinianus tale edictum promulgasset, viri sanctissimi Damasus, Hieron. Ambros. & August. qui circa illius tempora vivebant, totis viribus illi restitissent, & nefandam

DE MATRIMONIO. CAP.XI. 265
fandam illius impudicitiam scriptis
damnassent, quod tamen minimè fece-
runt. Quin eximia illius Imperatoris ca-
stitas, à variis authoribus celebratur.

CONCLVSIO XII. Matrimoniū
ratum & nondum consummatū dissoluī
potest quoad vinculum, tum per profes-
sionem Religionis, tum per dispensatio-
nem summi Pontificis; non autem con-
summatum.) Prima pars est definita in
Concilio Trident. scilicet. 24. can. 6. in hunc
modum. Si quis dixerit matrimonium
ratum, non consummatum, per solemneā
religionis professionem alterius coniu-
gum, non dirimi, anathema sit.

Vbi nota, dari à iure duos menses à
tempore contractus, ut interim coniuges
deliberent, an religionem ingredi velint,
nec ne, & si intra illud tempus, vnuſ eo-
rum religionem ingreditur, tandem an-
no nouiciatus expleto, in iis saltem locis
vbi Concil. Trid. est receptum, & pro-
fessione solemniter ab eo coniuge emissa,
poterit alter qui in sacerdote remansit, alias
nuptias contrahere.

Aduerte etiam, quòd etsi probabile sit,
per illud bimestre posse coniuges sibi de-
bitum denegare, etsi non cogitent de re-
ligione, contrarium tamen videtur pro-
babilius. Quia cùm statim à tempore
de Matrimonio. M

contractus, alter habeat potestatem in corpus alterius, potest quilibet debitum exigere quando voluerit, & alter tenetur reddere, nisi in casibus à iure exceptis, qualis est ille duntaxat, in quo alter coniux cogitat de religione: tunc enim dantur duo integri menses, ut deliberet, an debeat ingredi, nec ne, & interim debitum denegare petenti. Quod si de ea re non cogitat, tenetur reddere.

Secunda pars manifesta constat experientia. Nam s̄epe videmus summum Pontificem in matrimonio rato dispensare, & illud dissoluere; ac multi authores fide digni, testantur suo tempore varios Pontifices in ea re dispensasse. Legatur Nauarr. in summa cap. 22. n. 21. vbi affirmat, varios coniuges suo consilio petuisse dispensationem matrimonij rati, eamque obtinuisse à Paulo III. & Pio IV. Legatur etiam Henriquez lib. 11. cap. 8. vbi testatur Gregor. XIII. eadem die undecim matrimonia rata dissoluisse. Idem scribunt plures alij authores, de quorum fide dubitare non licet. Quis autem credat in re adeò graui, Ecclesiam quæ à Spiritu sancto regitur, & illuminatur, errare?

Tertia pars est de fide, definita in Concilio Trident. sess. 24, can. 3. probatur-

DE MATRIMONIO. CAP. XI. 267

que manifestè ex Scripturis : Marci 10.
Quicumque dimiserit vxorem suam , &
aliam duxerit , adulterium committit
super eam,& si vxor dimiserit virum suū,
& alij nupserit , mœchatur. Similiter
Lucæ 16. Omnis qui dimittit vxorem
suam, & alteram ducit,mœchatur, & qui
dimissā à viro ducit,mœchatur. Et Rom. 7.
Nā quæ sub viro est mulier, viuente viro
alligata est legi; si autem mortuus fuerit
vir eius, liberata est à lege viri. Igitur
vieuente viro,vocabitur adultera, si fuerit
cum alio viro. Si autem mortuus fuerit
vir eius, liberata est à lege viri, vt non
sit adultera, si fuerit cum alio viro. Quæ
& similia non nisi de matrimonio con-
summato intelligenda sunt.

Notandum autem , hoc intelligi de
matrimonio inito inter baptizatos : nam
matrimonia infidelium consummata, et si
dissolui nequeant, quamdiu uterque con-
iux permanet in infidelitate, aut quando
uterque ad fidem conuertitvi ; si tamen
vnus eorum ad fidem Catholicam con-
uertatur, & baptismum suscipiat, & alter
in infidelitate perseverans, cum eo habi-
tare renuat, aut nolit habitare sine con-
tumelia Creatoris , vel pertractione ad
peccatum mortale,potest fidelis cum alio
nuptias contrahere , vt patet ex cap.

M 2

quanto, & ex cap. Gaudemus, de diuortiis. Cùm enim in eo casu fidelis teneatur vitare consortium infidelis, & Christus aliunde nolit obligare recens conversos ad fidem, ad perpetuam castitatem: quam non omnes capiunt, Matth. 19 hoc enim graue onus esset, & suavitati legis Euangelicæ parum consentaneum; congruum fuit, ut in favorem fidei, quæ coniugio præstat, possit fidelis matrimonium dissoluere cum priori coniuge, & alteri de novo contrahere.

SECTIO III.

De impedimentis Matrimonij.

CONCLUSIO I.

Quædam sunt impedimenta Matrimonij, quæ dicuntur impedientia tantum; quia scilicet impediunt, ne Matrimonium licet contrahatur: contrastum tamen non irritant.) Ea his versibus comprehenduntur.

*Ecclesia veritum, nec nen tempus
feriatum:*

*Atque Catechismus, sponsalia
iungito votum,*

DE MATRIMONIO. CAP. XI. 269

Incestus, raptus sponsata, mors mulieris.

Susceptus propriæ sobolis, mors presbyteralis:

Vel si pœnitentia solemniter, aut monialem

Accipiat, prohibent hæc coniugium sociandum.

Quid autem per singulas particulas intelligatur, paucis accipe. Imprimis per Ecclesiæ vetitum, intelligitur interdictum Episcopi, vel alterius potestate habentis, quo prohibetur ex rationabili & legitima causa, ne intra aliquod tempus, matrimonium inter hos, aut illos ineatetur.

Secundo, per tempus feriatum, intelligitur tempus Aduentus usque ad Epiphaniam, & tempus Quadragesimæ, currentis à feria quarta Cinerum, usque ad octauam Paschæ inclusuè. Incipit autem Aduentus à media nocte, quæ præcedit primam diem Dominicam illius, & Quadragesima à media nocte, quæ præcedit diem Cinerum.

Tertio, per Catechismum intelligitur cognatio olim contracta ab eo, qui tenebat puerum in Catechismo, id est, qui tenens puerum respondebat pro illo, ad interrogata Sacerdotis baptizatis. Verum

talis cognatio, ex probabiliori sententia, ablata est per Concilium Trident. sess. 24. de matrim. cap. 2. vbi expressè statuitur, cognitionem spiritualem non cōtrahi, nisi inter personas ibi enumeratas, in quarum numero non ponuntur ij, qui tenent in Catechismo, nisi iidem sint patrini.

Quarto, per sponsalia intelligimus promissionem futurarum nuptiarum alicui factā, ut constat ex supra dictis. Qui enim cum aliqua sponsalia contraxit, non poteſt, sine peccato mortali, cum alia matrimonium inire, nisi ex iusta causa, promissionem priori factam dissoluat: nihilominus si matrimonium cum posteriori contrahat, sponsalibus legitimè non solatis, illud validum erit; quia hoc impedimentum non dirimit contractum, sed tantū contrahendum impedit, sicut & alia de quibus nunc agimus.

Quinto, per votum intelligimus simplex castitatis votum: illud enim matrimonium contrahendum impedit, sed contractum non dissoluit. Et idem dicendum est de voto ingrediendi Religionem, aut suscipiendo ordines sacros, aut nunquam nubendi, quibus meritò ab omnibus annumeratur, iuramentum de his rebus.

DE MATRIMONIO. CAP. XI. 27

Sextò, per incestum intelligimus copulam carnalem, scienter habitam à viro, cum consanguineis suæ vxoris, usque ad secundum gradum; vel ab uxore, cum consanguineis viri. Non incurritur tamen hoc impedimentum, per incestum cum propriis consanguineis, neque etiam cum cognata legali, aut spirituali. Porro qui hoc impedimentum contrahunt, non possunt licet mortuo coniuge, cum alio matrimonium inire. Si tamen secus faciant, matrimonium tenet.

Septimò, per raptum sponsatæ intelligimus, raptum sponsæ alienæ: eiusmodi enim raptus, copulâ subsecutâ, impedit quominus raptor cum rapta, post mortem viri, aut cum alia quacunque, matrimonium legitimè inire possit, nisi præbeat dispensationem. Et similiter sponsa raptui assensum præbens, non potest siue raptori, siue alteri nubere. Ceterum hæc pœna non extenditur ad fœminam, alieni sponsi raptricem, quia iura tantum loquuntur de raptu sponsæ alienæ, neque considerant extraordinarios casus, qualis est, quod fœmina virum rapiat.

Octauò, per mortem mulieris, intelligimus interfectionē propriæ uxoris, non quidem animo cum alio contrahendi factam: per illam enim dirimitur matrimo-

nium contractum, ut infra dicetur; sed ex ira, vel odio, aut vindicta ob patrum adulterium. Quamuis enim iuxta leges civiles, qui vxorem in adulterio deprehensam, propria authoritate interficit, nulla poena plectatur; quia tamen peccat mortaliter, à iure canonico imponitur illi pena, ut ad alias nuptias transire non possit.

Nonò, per susceptum propriæ sobolis, intelligitur leuatio proprij filij de sacro fonte, facta animo insidiandi matrimonio, id est, priuandi alterum coniugem debito coniugali, ratione affinitatis spiritualis ex ea susceptione inter eos ortæ. Qui enim eo animo filium suscipit, iustè meretur, ut si vxori superuixerit, ad alias nuptias transire non possit.

Decimò, per mortem presbyteralem, intelligitur occisio presbyteri, priuata authoritate, & iniustè facta: qui enim ita interficit presbyterum, ad quem spectat matrimonio interesse, merito illi interdicitur matrimonium; dummodo coniactus sit criminis in iudicio, quia iura convictione in exigunt, quæ non habet locum nisi in foro contentioso; cùm in foro pœnitentiæ accusator, & testes externi defant, & solus pœnitens sustineat personam rei accusatoris, & testis,

Vndeциmò, pœnitentia solemnis impeditiebat olim matrimonium quamdiu durabat; nunc vero, quia non amplius est in vsu, illud impedimentum cessauit.

Duodecimò, qui matrimonium init cum moniali professa, quam talem esse non ignorat, non solum inualidè cum illa contrahit, sed etiam illicite cum quacunque alia, quamquam non inualidè.

Notandum hoc loco, prædicta impedimenta, exceptis interdicto, sponsalibus, & voto, communiter non obseruari, ut recentiores aliqui aduertunt. Quare iis innodati non peccant, etsi matrimonium ineant, sine dispensatione.

C O N C L V S I O II. Alia sunt impedimenta matrimonij, quæ dirimentia appellantur, eo quod non tantum impediunt, ne matrimonium licite contrahatur; sed etiam irritant contractum; ita ut contrahentes separari debeant, nisi iterum validè contrahant.) Ea vero sequentibus versibus comprehenduntur.

Error, conditio, votum, cognatio, crimen;

Cultus disparitas vis, ordo, ligamen, honestas.

Si sis affinis, si fortè coire nequibus:

*Si Parochi, & duplicitis desit praesentia
testis.*

*Raptaque sit mulier, nec parti reddita
tute.*

*Hac facienda vetant connubia, facta
retractant.*

Primum impedimentum est error, quo nomine intelligitur error personæ, qui tunc contingit in matrimonio, quando una persona supponitur pro alia, verbi causa, Lia pro Rachele. Tunc autem matrimonium non valet, quia vir non iuravit nubere Liæ præsenti, sed Racheli absenti, quæ promissa fuerat. Secus dicendū, quando error cadit in solam qualitatem personæ, ut si cōtrahas cum Rachele paupere, quam diuitem existimabas: tunc enim validum est matrimonium, nisi consenseris tantum sub illa conditione, si diuies es: quia deficiente conditione, deficit consensus sub ea elicitus.

Secundum impedimentum est conditio seruilis, cuius ignorantia irritat matrimonium, quando liber contrahit cum serua, quam putabat liberam: aut vice versa, libera cum seruo, quem liberum esse existimabat. Excipe, nisi seruus per contractum fiat liber ex concessione domini, aut etiam nisi seruitus breui finienda sit, quia parum pro nihilo reputatur.

DE MATRIMONIO.CAP. XI. 275

Tertium impedimentum est votum
solemne castitatis, in religione approba-
ta emissum: per illud enim irritari matri-
monium postea contractum, statutum est
in Concilio Trident. sess. 24. can. 9. &
satis constat ex praxi Ecclesiæ, & com-
muni piorum omnium sensu.

Quartum impedimentum est cognatio,
quæ triplex est, carnalis, spiritualis, & le-
galis. Carnalis reperitur inter consan-
guineos, & irritat matrimonium usque
ad quartum consanguinitatis gradū in-
clusiuè: spiritualis contrahitur in admi-
nistratione Baptismi, & Confirmationis.
ut patet ex supradictis, soluitque matri-
monium inter personas, quæ eiusmodi
cognitionem contraxerunt. Legalis vero
oritur adoptione perfecta, qua quis ex-
traneum eligit in filium, aut filiam; ne-
potem, aut neptem, &c.

Vbi obseruandum est, triplicem esse
cognitionem ex adoptione ortam, nimi-
rum paternitatem legalem, fraternitatem
legalem, & affinitatem legalem; quarum
prima habet locum inter adoptantem,
adoptatum, & adoptati filios, & nepotes
usque ad quartam generationem. Secun-
da inter filios naturales, & legitimos a-
doptantis, & adoptatum ipsum, quæ durat
eanticum, quandiu filius naturalis, & adop-

M 6

tiuus manent sub potestate patris. Quò fit vt ea soluatur mortuo patre, aut alterutro ex filiis emancipato. Tertia inter adoptatēm, & vxorem adoptati, item inter adoptatum, & vxorem adoptantis. Atque hæc cognatio est perpetua, sicut & prima, quantumuis adoptio soluatur; ita vt adoptans nunquam possit nubere vxori adoptati, neque adoptatus, vxori adoptantis.

Quintum impedimentum est crimen, quod duplex est, homicidium & adulterium. Porro vt homicidium inducat hoc impedimentum, requiritur primo, vt occidatur coniux, siue vir, siue fœmina. Secundo, vt ij qui post mortem coniugis simul nubere volunt, in eam necem simul conspirauerint, nisi homicidium coniunctum sit cum adulterio: tunc enim satis est vnius conspiratio. Tertio, vt coniugem occiderint eo animo, vt inter se posse à matrimonium contraherent, aut saltem alter eorum hoc intenderit.

Adulteriam etiam, vt prædictum impedimentum inferat, nonnullas conditio-
nes erigit, vel vt adulterans occidat pro-
prium coniugem: vel vt eo viuente, per
verba de præsentि, ducat illum cum quo
adulterauit; vel certè promitterat se, post
mortem coniugis, cùm ducturum. Sim-

plex enim adulterium , si cum altero ex illis peccatis coniunctum non sit , non impedit quominus matrimonium , inter adulteros contractum , valeat.

Sextum impedimentum est cultus disparitas , quando scilicet baptizatus , sive Catholicus sic , sive haereticus , matrimonium init cum non baptizata , aut vice versa : matrimonium enim inter illos contractum , nullius est roboris ; etsi persona nondum baptizata , sit Catechumena & fidelis , ut omnes probant ex antiquissima traditione , & praxi Ecclesiæ .

Dixi sive Catholicus sit , sive haereticus : nam non tantum Catholicus , sed ille etiam , qui postquam baptismum suscepit , fidem Catholicam abiicit , subditus est Ecclesiæ legibus . At verò Ecclesia irritat matrimonium contractum inter baptizatum , & non baptizatam ; quare si haereticus contrahat cum non baptizata , dubium non est , quin illius matrimonium irritum sit .

Neque obest quod Ecclesia non habeat potestatem in hominem non baptizatum : satis enim est , quod baptizatus illius subdatur legibus . Quia eò ipso quod eum inhabilem reddit , ad validè contrahendum cum non baptizata , irritatur matrimonium ; neippe quod non potest con-

surgere, nisi inter duos habiles ad contrahendum.

Sed quid dicimus, de matrimonio Catholicum cum heretica? Respondeo breuiter primò, tale matrimonium esse validū, ut constat ex praxi Ecclesiæ, quæ non declarat illud esse irritum, neque matrimonio coniuctos iubet separari. Quod si contrarium in quibusdam locis iuris canonici videtur innui, dicendum est, ibi tantum prohiberi eiusmodi matrimonium, non autem irritari.

Respondeo secundò, Catholicum contrahentem cum heretica, peccare mortaliiter, per se loquendo, eo quod in re gravi violat præceptum Ecclesiæ, quæ iusta de causa vetat tale matrimonium, tum ne coniux fidelis subvertatur, tum ne proles in heresi educetur. Ex consuetudine tamen variis in locis recepta, & à summis Pontificibus tolerata, qualis vigeat in nostra Gallia, probabile est tale matrimonium sine peccato contrahi posse.

Septimum impedimentum est vis, seu coactio libertati, ad validitatem matrimonij necessariae, repugnans. Verum de hoc impedimento satis superque à nobis actum est capite præcedenti, conclusio 5. qui locus consulendus est.

Octauum impedimentum est Ordo sa-

cer, de quo notandum est, eiusmodi ordinem irritare matrimonium postea contractum, ut statuitur in variis locis iuris canonici, ac nouissimè in Concilio, Trid. sess. 24. de matrim. can. 9. Quod generaliter intelligendum est tam de Latinis, quam de Græcis, apud quos semper matrimonium, post sacrum ordinem contractum, irritum fuit. Quanquam in eo discrepant Græci, à Latinis, quod illi si post matrimonium, ordinem factum suscipiat, possunt licetè matrimonio vti, extra tempus quo altari deseruiunt. Isti vero, si post matrimonium validè contractum, ad Ordines sacros ascendant, ab vsu matrimonij perpetuo abstinere debent.

Nonum impedimentum, quod vocatur ligaminis, consurgit ex matrimonio legitime contracto; qui enim cum una valide contraxit, non potest aliam, priori viuente, ducere. Quod ita intellige, ut neque liceat secundam ducere, neque si ducatur, matrimonium cum ea initum valeat, etsi prius matrimonium ratum sive duntaxat.

Hic porro duo obseruanda sunt; primo ob nullam mariti absentiam, etiam si de illius morte dubitetur, posse vxore alteri nubere. Ius enim ciuile statuens, fœminam posse cum alio contrahere, postquam

maritum, de cuius vita dubitat, quadriennio, vel quinquennio expectauit, à iure canonico correctū fuit; tum quia in dūbio, melior est conditio possidentis, tum quia periculum est, ne secundo nubens, adulterium perpetret, & sacramentum invalidē usurpet; nullum autem tale est periculum, si diutius expectet, neque de nouo contrahat.

Observandum secundò, si contingat mulierem, postquam matrimonium cum secundo contraxit, certo scire, propriū maritum viuere, eam debere abstinere à consortio alterius; ita ut neque petere, neque ei debitum reddere liceat, quamuis per sententiam Iudicis ad hoc impellatur. Si vero probabiliter dubitet eum viuere, debitum quidem petere non potest, etiā si post adhabitā moralē diligentiam, dubia remaneat; at tenetur illud reddere, nisi petens in simili dūbio versetur. Quod si id suspicetur, sine ullo rationis fundamento, debet suspicionem deponere, & cum eo, cui de nouo nupsit, ut cum vero coniuge, quoad petitionem, & redditio- nem debiti, se gerere.

Decimum impedimentum est publica honestas, quae nihil aliud est, quam propinquitas ex sponsalibus proueniens, robur trahēs ab Ecclesiæ institutione, prop-

ter honestatem eius. Æquum enim est, & honestati congruum, ut quia in sponsalibus matrimonium inchoatur, non possit qui cum aliqua sponsalia init, per verba de futuro, cum illius consanguincis matrimonio copulari. Quare Ecclesia statuit, ut eiusmodi sponsalia essent sufficiēs impedimentum, ad dirimendum subsequens matrimonium cōtractum inter sponsum, & consanguineas sponsæ, etiam si sponsa moriatur, antequam matrimonii per verba de præsenti celebauerit. Et idē dicendum de sponsa, respectu consanguineorū sponsi. Qui tamen sponsalia tantum promittit, non incurrit hoc impedimentum.

Notandum est autem primo ex Concilio Trid. sess. 24. de reformat. matrim. cap. 3. tolli impedimentum publicæ honestatis, quoties sponsalia inualidè celebrantur, quacumque ex causa proueniat eiusmodi inualiditas. Secundo. quando sponsalia validè fiunt, impedimentū illud extendi tantum, usque ad primum gradū. Vnde sequitur Titium, si inualidè cum Berta sponsalia per verba de futuro contraxit, posse iam validè nubere consanguineis Berta, etiam in primo gradu cōstitutis, nimirum matri, aut filiæ, aut sorori illius. Si verò sponsalia validè contraxit cum Berta, potest validè matrimo-

niō copulari, cum omnibus consanguineis illius, iis exceptis, quae in primo gradu constitutae sunt.

Porro si sponsalia validē contracta, de consensu utriusque partis soluūtur, censentur inualida, ut declarauit sacra Congregatio Cardinalium. Quare tunc non inducitur impedimentum publicæ honestatis, & consequenter potest Titius validē contrahere, etiam cum aliqua ex consanguineis Bertæ, in primo gradu.

Dices, quid fiet si Titius, postquam sponsalia de futuro cum Berta contraxit, cum illius sorore matrimonium de praesenti contrahat? Nam quatenus validē cum Berta sponsalia contraxit, non potest cum illius sorore validē matrimoniu inire, propter impedimentum publicæ honestatis. Quatenus verò cum sorore matrimonium contraxit, non potest propter idem impedimentum, ipsi Bertæ nubere. Quid ergo faciet Titius?

Respondeo cum distinctione: nam vel Titius matrimonium consummavit cum sorore Bertæ, vel non; si non consummavit, tenetur fidem seruare Bertæ, & cuin ea contrahere: matrimonium enim cum sorore Bertæ initum, non potuit inferre impedimentū publicæ honestatis, dirimens sponsalia præcedentia,

DE MATRIMONIO. CAP. XI. 283
ut dictum est. Quin potius vi sponsaliorum præcedentium, matrimonium subsequens nullius est valoris.

Si autem Titius matrimonium consummavit, cum neutra matrimonium validè inire potest. Non cum Berta ipsa, quia iam affinitatem, quæ est impedimentum dirimens, cum ea contraxit, ob copulam quam habuit cum sorore illius: at neque etiam sorori Bertæ validè nubere potest, propter impedimentum publicæ honestatis, ex sponsalibus cum Berta initis, ortum.

Vndecimum impedimentum est affinitas, quæ nihil aliud est quam propinquitas orta inter Titium, & consanguineos Bertæ; & vice versa, inter Bertam, & consanguineos Titij. idque ob carnalem copulam inter virumque habitam; cùm enim per hanc copulam Titius, & Berta siant quodammodo una caro, consequenter consanguinei unius contrahunt cognationem quandam affinitatis cum alio; quo sit ut omnes consanguinei Bertæ, sint affines Titio, in eodem gradu, in quo consanguinitatem cum Berta participant. Et econtra consanguinei Titij sint affines Bertæ, in eodem gradu, in quo sunt consanguinei ipsi Titio.

Vbi nota i. ex iure novo, hoc impedi-

mentum non extendi ultra quartum gradum; ita ut sicut potest Titius valide contrahere cum propria consanguinea, in quinto gradu: ita & mortuâ uxore, cum consanguineis illius, in eodem gradu, matrimonium inire potest. Imò si affinitas orta est ex copula fornicaria, inter Titium, & consanguineas Berthæ, potest ille valide, & licetè cum earum aliqua contrahere, in tertio gradu, ex Concilio Trid. sess. 24. de reformat. matrim. ubi impedimentum affinitatis, ex fornicatione contractum, restringit ad eos qui in primo, aut secundo gradu coniunguntur. Quod ita intelligendum, ut non modo affinitas illa nō irriat matrimonium, in tertio gradu postea contractum; sed etiam ut neque contrahendum impedit, ut declaratum fuit à Pio V. in motu proprio, qui incipit, Ad Romanum Pontificem.

Nota 2. illud esse discrimen, inter eum qui cognoscit consanguineam propriæ uxoris, in tertio gradu, & illum qui cognoscit consanguineam in eodem gradu, illius cum qua fornicatus est, quod prior committit incestum, non posterior. Ratio discriminis est, quia non potest aliquis valide matrimonium inire, cum consanguinea uxoris in tertio, aut quar-

DE MATRIMONIO. CAP. XI. 285

to gradu potest autem cum consanguinea tertij gradus, illius quam fornicariè congregavit. Ex eo autem quod non potest quis, matrimonium inire cum sibi affini, accessus ad eam specialiter prohibetur, & constituit speciem luxuriæ, à simplici fornicatione distinctam; non autem ex eo præcisè quòd sit affinis. Cùm ergo non possit quis validè contrahere, cum consanguinea uxoris, intra quartum gradum, possit autem in tertio, & quartio, cum consanguinea alterius, cum qua fornicatus est, hinc sit ut copula cum priori habitata, sit incestus, non autem habita cum posteriori.

Nota 3. affinitatem dirimere duntur matrimonium postea contractum: nam si matrimonium præcedat, & postea contrahatur affinitas cum coniuge, per copulam sequentem, habitam cum consanguinea illius, in eo casu non dirimetur matrimonium, antea validè contractum; adulter tamen non poterit licite debitum petere à coniuge, siue incestus sit occultus, siue publicus, nisi præhabita dispensatione, quam Episcopus dare potest.

Duodecimum impedimentum est, impotentia, quæ si sit perpetua, sequens matrimonium dirimit, unde cunque proue-

niat. Dicitur autem perpetua, quando nulla humana arte, aut citra periculum vitæ, aut sine peccato, aut sine euidenti, & extraordinario miraculo tolli nequit. Qualis non est quæ tollitur per Exorcismos, vel orationes Ecclesiæ ad hoc destinatas. Quod si impotentia sit temporalis, per eam matrimonium superueniens non irritatur, spectato iure naturæ. Quanquam ex iure Ecclesiastico, Matrimonia impuberum irritantur, ob impotentiam temporalem Dixi impotentiam perpetuam dirimere sequens matrimonium; si enim matrimonio superueniat, illud non dirimit, et si ratum tantum sit. In dubio autem, an impotentia præcesserit, an non, iudicandum est præcessisse, si prouenit ab intrinseco: secutam vero esse, si ex maleficio, aliae causa extrinseca oritur. Quia quod à natura inest, semper esse præsumitur, non autem quod aduenit ab extrinseco, nisi oppositum probetur.

Decimum tertium impedimentum est, defectus præsentia Parochi, & duorum testium, in iis saltē locis, vbi receptum est Concilium Trid. Verum de isto impedimento cap. præcedenti resol. 6. sufficienter actum est, neque hic aliquid de novo, ibi dictis adiiciendum occurrit.

DE MATRIMONIO. CAP. XI. 287

Decimum quartum impedimentum est, raptus mulieris, ut liquet ex Concilio Trident. sess. 24. de matrim. cap. 6. ex quo loco quatuor colliguntur. Primo matrimonium irritum esse, si raptor contrahat cum rapta, quandiu ipsa manet in illius potestate; secus, si ei nubat, quando est ab illo separata, & in loco tuto, ac libero constituta. Secundo, raptorem siue raptā ducat, siue non, esse ipso iure excōmunicatū: Itemque auxiliū, concilium & fauore præbentes. Tertio, eos omnes per sententiam Iudicis, declarandos esse perpetuò infames, & dignitatum omnium incapaces, & si clerici sint, à proprio gradu deiiciendos. Quartò, raptorem per sententiam iudicis cogendum, ut raptam, iuxta illius conditionem, sufficienter dotet.

Vt autem ista locum habeant, requiriatur primò ut raptor fœminam rapuerit, eo animo ut ipsem cum illa matrimonium contrahat, Quare si eam rapuit, solius fornicationis causa, & postea mutuo consensu simul contrahant, matrimonium valet, & raptor dictas poenas non incurrit, ex communiori sententia. Quia poenæ illæ inducuntur à Trid. contra raptores, violantes libertatem matrimonij. At ille qui, ob simplicem fornicatio-

nem, fœminam abducit, non censetur officere libertati matrimonij.

Secundò requiritur, ut raptor ipse velit cum rapta contrahere. Vnde si eam rapiat ea intentione, ut quidam alias de re non cogitans, aut certè nullo modo per se, aut per alios cooperans, illam ducat in uxorem, poenas illas non incurrit; & si rapta consentiat in matrimonium illius, cuius gratia raptus factus est, nuptiæ sunt firmæ & validæ, eo quod non sunt contractæ inter raptorem, & raptam. Si tamen ex mandato illius, fœmina rapta fuisset, matrimonium esset nullum; quia iam ille, communi iudicio, verus raptor censeretur, esto physicè ad raptum non concurrisset.

Tertiò requiritur, ut fœmina nolens, & renitens abducatur: nam ubi abductio violenta non est, raptus locum non habet. Vnde si è domo extrahatur volens, & raptui consentiens, aut dolo circumuenta, aut precibus inducta, raptor dictas poenas non incurrit, & matrimonium inter eos contractum valet, si aliunde nihil obstat illius valori. Si tamen fœmina consentiat, & parentes, vel alij, sub quorum est potestate, dissentiant, matrimonium non tenet; quia etiam tunc raptus vere locum habet, eo quod infertur

vis

DE MATRIMONIO. CAP. XI. 289

vis potestati, quam parentes habent in raptam. Quod si parentes id ignorant, tunc matrimonium valet; quia cum desit violentia, abductio foeminae consentientis raptus dici non potest.

Quarto non refert qualis foemina sit quae abducitur, an virgo, an corrupta, an coniugata, an soluta, &c. Decretum enim de qualibet foemina raptâ procedit, si excipias sponsam de futuro, quae volens è domo parentum, à proprio sposo abducitur: talis enim raptus iure communi, quod Tridentinum non correxit, à dictis poenis liberatur, cap. penult. De raptoribus, modo fiat animo contrahendi matrimonium: ad hoc enim sponsus ius aliquod acquisiuit, per sponsalia.

Tandem illud decretum, ex communis sententia non intelligitur de foemina vi- rum rapiente, tum quia leges non respi- ciunt casus rarissime aduenientes; tum quia in odio fœminarum sub masculino non continetur. At Concilium Trid. meminit solius raptoris, ut ex textu allato patet. Vnde validum erit matrimonium inter raptricem, & raptum, etsi hic sit in illius potestate constitutus; dum modo coetera, ad validitatem matrimonij necessaria, adsint.

CONCLV SIO III. Potest
de matrimonio, N

summus Pontifex valide dispensare in
impedimentis omnibus quæ iure Eccle-
siastico matrimonium dirimunt.) Ratio
est, quia Princeps potest valide dispensa-
re in sua lege. At summus Pontifex est
Princeps, & superior totius iuris Eccle-
siastici: ergo in eo valide dispensare po-
test; atque adeò in impedimentis, ex so-
lo iure Ecclesiastico matrimonium diri-
mentibus.

Quo loco duo notanda sunt. Primo, ut
Pontifex valide dispenseat in illis impe-
dimentis matrimonij (idem die de aliis
omnibus quæ ad legem Ecclesiasticam
pertinent) non requiri rationabilem
causam dispensationis, quia lex aliqua
non aliter obligat, quain Legislator eam
ferens velit illam obligare. Quare si
Pontifex nulla rationabili causa inductus
velit ut quis, non obligetur ea lege Ec-
clesiastica, qua matrimonium cum tali
impedimento dirimitur, ille à tali obli-
gatione immunis erit.

IVt autem legitima sit dispensatio iusta
aliqua causa eam concedendi necessaria
est, & Pontifex aliter dispensans, peccat
contra iustitiam distributiam, quæ po-
stulat ut onera æqualiter distribuantur,
inter partes eiusdem reipublicæ (in cuius
commodum ea potestas illi à Deo con-

DE MATRIMONIO. CAP.XI. 291

(cessla est) nisi iusta de causa aliquis dispensati debeat. Utens etiam tali dispensatione, peccat contra legem naturæ, secundum quam partes toti se conformare debent, nisi certa ratio aliud exigat. Eorum tamen peccatum non est mortale, nisi per accidens, ratione scandali, aut gravis alterius incommodi, inde orti.

Secundò nota illud esse discrimin inter summum Pontificem, & eos qui ab illo habent potestatem dispensandi, in impedimentis dirimentibus matrimonij, quòd ille validè, illicitè tamen, sine rationabili causa dispensat, in eiusmodi impedimentis, ut dictum est. At verò alij, non modo illicitè, sed etiam inualidè in illis dispensant, nisi iusta causa adsit. Caius ratio est, quia sicut Pontifex non potest, sine culpa, dispensare in impedimentis prædictis, quando nulla rationabilis causa interuenit, ita non potest alteri licite date facultatem dispensandi, sine iusta causa. Quare nisi aliud aperte constet semper credendum est Pontificem non concedere alicui, facultatem illam dispensandi, nisi rationabilis causa occurrat; ac proinde eum, cui potestas dispensandi demandata est, inualide ea uti, si nulla iusta dispensationis causa interueniat.

N 2

CONCLVSIO IV. (Non potest Episcopus ordinariè, in impedimentis dirimentibus matrimonij dispensare.) Ratio est, quia non potest inferior ordinariè dispensare in lege superioris; impedimenta autem prædicta sunt inducta, vel à summis Pontificibus, vel à Conciliis generalibus. Quare Episcopus, qui est illis inferior; in dictis impedimentis dispensare nequit.

In casu tamen necessitatis, concedunt communiter Authores, Episcopum in impedimentis dirimentibus, in foro interno dispensare posse, si nimirum impedimentum sit occultum, & matrimonium publicum, bona fide contractum, & coniuges sine graui scando separari nequeant, vel non sit facilis aditus ad Pontificem. Et ratio est, quia verisimile est, Pontificem in eo casu, non sibi reservare potestatem dispensandi, in impedimentis matrimonij; cum talis reservatio, ob legitimam & non suauem Ecclesiæ gubernationem, fieri debeat.

Dixi; & bona fide contractum, nam si mala fide contractum sit, ita scilicet, ut quis non modo sciat, se verbi causa, accessisse ad consanguineam illius, quam postea duxit in uxorem; sed etiam ex ea copula, ortum fuisse impedimentum, di-

DE MATRIMONIO. CAP. XI. 293

rimens sequens matrimonium, Episcopus
in eo impedimento dispensare nequit, ut
manifeste constat ex Concilio Trid. sess.
24 de matr. c. 5. Sufficit tamen bona fides
alterius coniugum, quia æquum non vi-
detur, ut ob alterius peccatum, innocens
puniatur.

SECTIO IV.

De obligationibus Matrimonij.

CONCLUSIO I.

COniuges non tenentur per se loquē-
do debitum petere, tenentur tamen
reddere ex iustitia.) Ratio prioris partis
est, quia liberum est vnicuique iuri suo
renunciare, ex cap. Si de terra, de Priui-
legiis, quod saltem verum est, quando
tali renunciatione nulli alteri fit iniuria:
at coniuges non petendo debitum, nulli
faciunt iniuriam, quia et si tali iuri re-
nuncient, tenentur alteri coniugi debi-
tum reddere, quod satis est. Per accidens
tamen contingere potest, ut coniux debi-
tum teneatur petere, si nimirum putat,
illud moraliter esse necessarium, ad vi-

N 3

tandam incontinentiam in alio coniuge.

Ratio posterioris partis est, quia ex iustitia tenetur quisque alteri reddere, quod suum est; at corpus vxoris ad virum pertinet, in ordine ad usum matrimonij, & vice versa corpus viri ad uxorem: Ergo uxor tenetur debitum reddere viro petenti, & vir uxori Hinc illud Pauli 2. Cor. 7. uxori vir debitum reddat, similiter autem & uxor, viro, &c.

Quo loco obseruandum est primo, hanc resolutionem procedere non modo quando debitum expressè, sed etiam quando signis petitur, ut si mulier, præ pudore, non audeat verbis debitum exigere. Ea enim est peritio tacita, seu interpretativa, quam omnes dicunt sufficere, ut alter teneatur reddere.

Secundò obseruandum est, obligacionem reddendi debitum esse grauem, & obligare sub peccato mortali, ex genere suo. Quamquam ex leuitate materiæ, interdum vitari potest peccatum, saltem mortale, non reddendo; ut si multoties reddere solitus, una aut altera vice debitum deneget: nisi exigens in periculo incontinentiae versetur, aut aliud graue incommodum timeatur.

Hinc collige, à ieunio excusari eum, qui si ieunet, non potest uxori debitū

DE MATRIMONIO. CAP.XI. 295
soluere. Quia præceptum naturale red-
dendi debitum , magis obligat , quām
præceptum iejunandi , quod est Eccle-
siasticum. Vxor etiam , quæ iejunando
deformis efficitur , & minus à marito di-
ligitur , vel ei exosa redditur , non tene-
tur iejunare. Imo etsi tale incommodum
non sequatur , si maritus præcipit vxori ,
vt non iejunet , ea à iejunio excusatur ,
quando p̄xuidet illum , nisi odedit , gra-
uiter laturum . Quia præceptum ieunij
non obligat , cum dispendio amoris , &
pacis quæ inter coniuges seruari debet.

C O N C L V S I O II. Varias ob-
causas excusatur coniux à redditione
debiti.) Prima est , quando probabiliter
reddere nequit , sine graui detimento , aut
periculo salutis. Ratio enim naturalis
exigit , vt prius quis saluti suæ consulat ,
conseruando proprium indiuiduū , quām
generationi prolis vacare teneatur. Ordo
etiam charitatis postulat , vt quis primò ,
suæ incolumitati vacet , ac deinde aliis , si
potest , satisfaciat. Ac denique , qui matri-
monium contrahunt , non intendunt se
obligare ad usum coniugij , cum graui
suo incommodo. Hinc collige , coniugem
excusari à reddendo debito , quando
periculum est ne lepra , morbo Neapolitanō ,
seu Hispanico , alioue simili inficia-
tur.

N 4

Secunda causa, propter quam debitum negare, licet, est, ad vitandum graue aliquod nocumentum in bonis fortunæ, aut notabile augmentum rei familiaris comparandum. Ratio est, quia coniuges dum inter se matrimonium contrahunt, sibi mutuò pollicentur industriæ communionem, ad rectam domus gubernationem, & rei familiaris utilitatem. Quare quoties in hunc finem necesse est ut vir, etiam per longum tempus, absit à propria domo, & consequenter debitum reddere non possit, licetè potest discedere, etiam uxore renitente; quia irrationaliter est inuita. Et ita videamus passim obseruari à viris timoratis, qui uxores suas vehementer diligunt.

Tertia causa sufficiens ad negandum debitum, est quando non suppetunt facultates, ad filios alendos. Et ratio est, quia non tenemur id soluere, quod sine graui incommodo nostro, soluere non possumus: at in dicto casu, non potest coniux, sine magno suo incommodo, debitum coniugale soluere. Videns enim se plures habere filios, quam alere possit, eosque fame confici, mirum in modum torquetur, vitam acerbam dicit, ac interdum in desperationem adducitur. Adeò ut durissimum sit, eiusmodi coniugem

DE MATRIMONIO. CAP. XI. 297
obligare ad reddendum debitum, saltem
si in alio non sit euidens periculum in-
continentiae: Et quamuis nonnulli in hoc
aliter sentiant, illud tamen apud omnes
certum est, si uterque coniux ab usu ma-
trimonij, ob dictam causam, communi
consensu abstinere velit, neutrū peccare,
cum nemini iniuriam abstinentia inferant.

Quarta causa, propter quam debitum
negari potest, imo debet, iuxta nonnul-
los, est quando exigens, petendo, peccat;
sed malim distinguere: nam quando de-
bitum petitur cum aliqua circumstantia,
qua actum ipsum reddit illicitum, vt si
sit periculum abortus, tunc debitum
reddendum non est; si vero nulla sit cir-
cumstantia, qua actus ipse in se fiat illi-
citus, sed tantum petitio, vt si petens vo-
uit castitatem, tunc debitum reddendum
est; eò quod exigens non petit, nisi quod
suum est, esto erga Deum peccet. Dico,
quod suum est: nam si petens, iure peten-
di priuatus esset, alter non teneretur
reddere.

Quinta causa, propter quam debitum
negare licet, est, quando coniux priori
bimestri, ante matrimonium consumma-
tum, cogitat de ingressu Religionis, vt su-
pra diximus. Sexta vero est illa, propter
quam licet celebrare diuortium, de qua
agetur infraius. N 5

CONCLVSI O III. Coniux habens votum castitatis, tenetur illud servare, quantum potest, sine præiudicio alterius.) Explico: Castitatis votum emitti potest à coniuge, vel ante matrimonium contractum, vel matrimonio cæntracto, ante illius consummationem, vel denique consummato matrimonio. Si primo modo emittatur, notandum est cum qui post votum castitatis, matrimonium contraxit, nunquam licet posse debitum exigere, ante obtentam dispensationem, ita ut toties peccet lethaliter, quoties petit. Quia nimirum, ratione voti, tenetur ab omni actu venereo abstinere; à qua obligatione non liberatur, per matrimonium superueniens; quoad petitionem debiti: cùm per contractum illius non obligetur ad petendum debitum. Si tamen petat, alter tenetur reddere, ut suprà dictum est.

Si votum emittatur secundo modo, id est, post matrimonium ratum, non consummatum, duo notanda sunt. Primo, si fiat votum non petendi debitum, illud valere, adeò ut ita vocens, etiam sine licentia alterius coniugis, non possit licet debitum exigere; nequidem si secundò matrimonium ineat, nisi intendat se tantum obligare pro praesenti matrimonio.

DE MATRIMONIO. CAP.XI. 299

Notandum secundò, si coniux absolute castitatem vouet, animo ingrediendi Religionem, & putans, illud unicum esse medium, ad castitatem seruandam, tale votum valere, & vountem teneri ingredi, antequam matrimonium consummet. Quòd si dum vouet castitatem, de Religione non cogitat, non tenetur ingredi; sed debet castitatem seruare, quantum potest, sine iniuria alterius: ita scilicet, ut, nunquam possit petere, reddere vero, non nisi, quando alterius petendi habet.

Tandem si coniux castitatem vouet tertio modo post consummatum matrimonium, vel imprimis id facit sine consensu alterius, & tunc votum non valet, nisi quoad obligationem illud seruandi, sine præiudicio alterius; nimirum quoad obligationem, nunquam petendi, & tunc tantum reddendi, quando alter exigendi ius habet.

Vel secundò vouet, alio quidem consentiente, sed sine mutuo pacto, & sic etiam non tenet votum, nisi quatenus seruari potest, sine iniuria consentientis, qui et si licentiam concedat vounti, non propterea censetur sibi velle præiudiciū eo voto inferri, nisi aliud constet ex verbis illius. Vnde & petere potest, & qui vount, ex consensu illius, tenetur redde-

N. 6.

re, vel tertio ita vovet ut vterque coniux, mutuo consensu, & pacto renunciet iuri, quod alter habet in corpus alterius : & tunc neutri licet debitum petere, aut reddere, ut perspicuum est. Idem autem communis sententia statuit, quando ambo coniuges, ex mutuo consensu, castitatem vovent. Quia vterque tunc intendit se obligare, ad omnimodum castitatem seruandam, abstinendo a petitione, & redditione debiti ; quae voluntas includit virtualiter, mutuam renunciationem iuris, quod alter coniux habebat in alterum. Non enim potest se obligare ad non redendum, nisi ille qui habet petendi facultatem, ius suum ei remittat.

CONCLVSI O IV. Ut rectus sit usus matrimonij, seruari debet modus, finis, vitatio damni, solutio debiti, locus, tempus ; aliæque eiusmodi circunstantiae, his duobus versibus comprehensa.

Sit modus, & finis. sine danno, solue, cohære

Sit locus, & tempus, tactus, ne spernitō votum.)

Quæri hic potest, an licitus sit usus matrimonij, quando dubitatur de valore illius. Pro explicatione nota, aliud esse scire matrimonium nullum esse ; aliud vero ex scrupulo moueri ad credendum

DE MATRIMONIO. CAP. XI. 301
esse inualidum. Quo posito, tria statuen-
da sunt. Primò, coniugem qui certò sit
matrimonium nullum esse, non posse de-
bitum petere, aut reddere. Ratio est, quia
talis copula, ex parte scientis nullitatem
matrimonij, esset formaliter fornicaria,
ut patet ex c. Inquisitioni, de sent. ex-
communicationis.

Statuendum secundo, eum qui ex cre-
dulitate probabili, & discreta dubitat de
validitate matrimonij, teneri quamprí-
mum moralem adhibere diligentiam. ut
certior fiat de rei veritate. Quia aliás
coniicit se in periculum peccandi. Inte-
rim autem non potest debitū postulare,
reddere tamen tenetur: Quia ex duobus
malis, quorum alterum necessario eligi
debet, eligendum id quod minns; At si
ille petat, periculum est ne fornicetur, ex
eo autem quod petat, nullum tale peri-
culum oritur: similiter si debitum neget,
periculum est ne iniustitiam grauem cō-
mittit, contra fidem matrimonij datam;
at vero si reddat, periculum est tantum,
ne materialiter fornicetur, quod minus
malum est. Ille igitur debitum petere
non potest, & reddere tenetur, ut etiam
sumitur ex cap. citato.

Tertiò statuendum est, illum qui ex
macro scrupulo, & sine ullo fundamento

timet, matrimonium esse inualidum, debere ad consilium sui pastoris, scrupulum deponere, & liberè uti matrimonio Quod patet, ex capite citato, Inquisitioni, ubi dicernitur, eum qui ex credulitate leui, & temeraria dubitat de valore matrimonij, ad sui Pastoris consilium, conscientiam leuis, & temerariæ credulitatis explosam, licet posse non solum reddere, sed etiam exigere debitum coniugale Quod autem ibi dicitur de pastore, intelligi potest de confessario perito, ac de quouis alio homine docto & timorato.

C O N C L V S I O V. Potest mater, in periculo vitæ constituta, sumere pharmacum directè tendens ad ipsius curationem, et si probabiliter abortus inde sit secuturus.) Ut hoc clarius intelligatur, Dico in primis, non licere tribuere matris pharmacum, quo directè fœtus ex illo utero expellatur, siue ante, siue post animationem ; et si hoc necessarium putetur, ob curationem matris, quæ in periculo versatur.

Ratio prioris partis est, quia si non licet ob sanitatem, directè procurare pollutionem, quia hoc est contra naturam generationis, multò minus licet, ob tam finem, fœtum ante animationem expellere, cum hoc magis repugnet generationi.

DE MATRIMONIO. CAP.XI. 363

Ratio posterioris, quia non licet directè occidere innocentem, ut alius incolumis servetur. Vnde etsi mors tam matri, quam fœtui sit certa, nisi talis medicina adhibeatur, & probabile sit fore, ut mater sanitatem recuperet, si eam sumat, non potest eam sumere; quia nunquam licet tale quid procurare directè.

Dico secundò, si fœtus non sit animatus, potest mater sumere pharmacum, directè tendens ad curationem illius; etsi probabile sit, abortum inde securum; quia illa dat operam rei licitæ, & iure suo vtitur. Quare si abortus sequitur, hoc est præter illius intentionem, adeoque per accidens: Sicut si ex sumptione medicamenti, ad sanitatem necessarij, & ad eam directè relati, pollutio sequatur, Sed quid, si fœtus animatus sit?

Dico tertio, etiam tunc licitum esse marri, uti medicamento per se & directè ad sanitatem ei restituendam confecto, etsi verisimile sit abortus periculum. Tū quia abortus præter intentionem matris, & omnino per accidens sequitur, ut iam dictum est; tum quia etsi directè innocentem occidere nunquam liceat, licet tamen interdum per accidens, & præter intentionem cum interimere, ut patet,

304 T R A C T A T V S
dum in iusto bello Vrbs aliqua diruitur,
in qua sunt multi innocentes, quos necesse est cum aliis perire.

C O N C L V S I O VI. Parentes tenentur, ex lege naturæ, filios alere.) Illa enim obligatio oritur ex ipsa inclinatione naturali, quam videmus brutis, cum hominibus esse communem. Excipe nisi parentes ex iusta causa, à tali obligacione liberentur, qualis causa est, si filius habeat vnde decenter, spectato ipsis statu, sustentari possit; aut non possit parentis eum alere, sine vitæ periculo, vt si foemina eum procreauit ex adulterio. Potest enim tunc eum hospitali alendum exponere, ea conditione, vt expensis satisfaciat, & rectam illius institutionem curet. Item possunt parentes alimenta negare filiis, ob eas omnes causas, propter quas possunt eos exhæredare.

Quod intellige, nisi filij alimentis simpliciter indigeant, ita vt nec aliunde viatum habeant, nec sufficienti robore, arte, aut industria prædicti sint, ad viatum sibi comparandum. Si enim extrema, aut grauis necessitas adsit, nullo iure excusati possunt à debito eos alendi. Vnde si decoquant id quod ipsis ad sustentationem, à parentibus assignatum est, aut renuncient, etiam adhibito iuramento, iuri

DE MATRIMONIO CÄP. XI. 305
quod habent exigendi alimenta necessaria à parentibus, si nihilominus simpliciter egent, parentes eos alere tenentur. Atque hoc totum æquè procedit de filiis illegitimis, ac de legitimis.

Tenentur etiam parentes curare, ut eorum filij bonis moribus instituantur, atque adeò ut probos magistros habeant, occasiones peccandi fugiant, præcepta Dei, & Ecclesiæ obseruent, bonis litteris imbuantur, iuxta cuiusque conditionem, & cùm deliquerint, moderatè corripiantur, &c. Porro quia hæc facilia sunt, & omnibus nota, in iis amplius non immoramus.

CONCLVSIO VII. Licitum est diuortium inter coniuges, ob varias causas.) Primo ratione adulterij, ut patet ex Matth. 19. 1. Cor. 7. & ex Innocent. 32. quest. 6. per varia capita. Hinc enim colligitur, maritum diuertere posse ab uxore adulterante, & vicissim posse uxorem relinquere virum adulterantem: quia ubi par est ratio, per debet esse iudicium; ut nempe frangenti fidem, fides frangatur eidem.

Excipiuntur tamen aliqui casus, in quibus non potest coniux ab adultero diuertere. 1. est, si etiam ipse patravit adulterium. 2. si in alterius adulterium

consensit, verbi causa, vxorem prossituendo. 3. quando adulterans non peccauit, ut si fœmina putans maritum esse mortuum, cum alio contraxit. 4. si coniux innocens adulteranti iniuriam condonat, siue verbis, siue admittendo *ad usum matrimonij*.

Secundò licitum est diuortium inter coniuges, ob fornicationem spiritualem, hæresim nempe, vel apostasiam à fide. Probatur ex cap. Idolatria. & ex cap. Non solum, 28. q 1. quibus locis aperte docetur vxorem infidelem, & quæ simulacrum facit, dimittendam esse, quia talis spiritualiter mœchatur. Idem autem dicendum de coniuge in hæresim labente. quia etiam hæc est spiritualis fornicatio.

Vbi obseruandum est, Catholicum qui à coniuge infideli propria autoritate diuertit, non posse Religionem ingredi; quia diuortium illud est temporale, & finitur per resipiscientiam coniugis derelicti, qui habet ius repetendi coniugem, à quo dimissus fuit. Quare etsi ille in Religione professus sit, tenetur redire ad coniugem à se dimissum, si post resipiscientiam ab eo reuocetur; nisi ab illo, obtinere possit, ut liberè consentiat, se manere in nouo statu quem suscepit.

Quia nimis professio illius est irrita,
cum ab eo emissa fuerit sine consensu
coniugis, vel Ecclesiae. Vnde etsi nun-
quam possit a coniuge debitum petere,
aut eo mortuo, alteri nubere, quia votum
tenet in præiudicium ipsis; tenetur ta-
men reddere debitum, quoties alter pe-
tens habebit ius exigendi.

Quod si separatus fuit a coniuge hæ-
retico, per sententiam Ecclesiae, potest, si
velit, profiteri in Religione, neque ei fas
est ab eo statu resilire, etsi alter resipiscat,
& ab eo reuocetur. Imò etsi dimissus re-
sipiscat, antequam dimittens Religionem
ingressus sit, non potest impedire, quo-
minus ille ingrediatur, si velit. Neque
tamen tenetur dimittens Religionem in-
gredi, ut a resipiciente separatus manere
queat; sed potest in sæculo manens, eum
ad suum consortium non admittere, ut
apertè colligitur ex cap. Finali, de con-
uersione coniug.

Ille verò qui ab hæresi reueitus est,
non potest Religionem ingredi, sine con-
sensu Catholici in sæculo manentis, quia
non potest statum mutare, in præiudi-
cium illius. Vnde si professionem emit-
tat, ea est irrita, & professus a Catholico
reuocari potest. Tenetur tamen castita-
tem seruare quantum potest abstinendo

à petitione, non à reditione debiti, Veto
rūm profiteri potest cum consensu di-
mittentis, etiam si ille sine voto, in sacer-
doce maneat : & sine consensu, si dimittens
professus sit.

- Tertiò certum est ; uxorem à marito
diuertere posse, propter illius sauitiam,
si talis sit, ut sine graui damni corpora-
lis periculo, cum eo habitare nequeat,
nisi ipse maritus uxori sufficientem secu-
ritatis cautionem exhibeat. Ita omnes ex-
cap. Litteras, de restit. spol. & cap. Ex
transmissa, eodem tit.

Quo loco obseruandum est, quando
ratione sauitiae coniugis, celebratur di-
uortium ad tempus, ut experimento con-
stet, num mutet ingenium, aut sufficien-
tem cautionem exhibeat, diuertentem
non posse Religionem ingredi, siue licen-
tia coniugis relictæ. Secus si nulla spe
correctionis existente, absoluta diuortij
sententia celebretur. Quia in hoc casu,
ius coniugale persententiam deperditur,
in illo verò tantum suspenditur quoad
executionem. Quare in casu illo abso-
luti diuortij, coniux relictus professum
reuocare non poterit, et si corrigatur, aut
de sufficienti cautione prouidere velit.

Vltimò certum est, posse coniuges, ex
mutuo consensu, tunc separari, et si non

DE MATRIMONIO. CAP. XI. 309

voueant continentiam. Possunt etiam
toro separati, castitatem vouere, ex mu-
tuo consensu, etsi neuter Religionem in-
grediatur. Quod tamen non facile per-
mittendum est, propter periculum incon-
tinentiæ. Item ex consensu mutuo, po-
test uterque Religionem ingredi, & pro-
ficeri. Viro autem ingrediente, ex con-
sensu uxoris, tenetur illa similiter ingre-
di, nisi sit vetula, ac de incontinentia mi-
nimè suspecta: tunc enim satis est, quod
castitatem in sæculo voueat. Et idem
dic à fortiori, si vir Religionem non in-
grediatur, sed tantum sacros ordines sus-
cipiat. Atque hæc tandem de Sacramen-
tis in genere, & in specie, in gloriam Iesu
Christi Sacramentorum authoris, Matris
que ipsius purissimæ, satis.





INDEX

CHAP. I.

THE POLYGRAPHIA
OR THE CRAFT OF WRITING

BY JOHANNES TRICUSPIO

TRANSLATED INTO ENGLISH
BY J. R. GREENE, M.A.

WITH AN APPENDIX OF THE
POLYGRAPHIA OF VENICE.

